

魯山縣志卷五

原在山東博山縣知縣偃師武億
同纂
魯山縣知縣餘杭董作棟

選舉表

朝代 薦辟

進士

舉人

貢

後漢 延篤

舉孝廉

樊英

舉賢良方正有道

唐

元結

天寶十二
載舉進士

金

弋毅

舉進士

韓禔子

進士

趙良

進士見徐
志

元

鄧順

進士

王磐

至大四年
經義進士

明

袁愷

景泰甲戌進士仕至南京都察院右副都御史

王瑀

永樂己酉科

宗正學

山東臨照縣丞

崔亨

永樂辛卯科

李會春

湖廣安陸縣知縣

賈欽

成化丁未進士

江漢

永樂辛卯科京闈

賈蔚然

選貢陝西涇州知州

燕儒官

嘉靖己未進士仕至監察御史

華文

宣德己酉科

賀承芳

官司理

賀一孝

隆慶辛未進士仕至兵部主事

張肅

正統戊午科

郭惟寧

拔貢

張韶

賀名標

浙江溫州府經歷

李好問

隆慶辛未

進士官司

理

案題名碑

賀一孝李

好問俱作

萬曆甲戌

科與坊所

載隆慶辛

未科不符

坊當据其

會試榜錄

碑乃据其

殿試榜錄

也

王璽

萬曆戊戌

進士仕至

廣西按察

正統辛酉
官宦海知

魏承名

山東章邱

縣訓導

江溥

正統丁卯

科

楊燿

崇禎元年

因貢

萬安

景泰癸酉

科

彭遐齡

崇禎甲戌

副榜任江

袁愷

景泰癸酉

科

賈貞慶

崇禎乙亥

拔貢

張尹

成化乙酉

科

韓俊

官廣東道

監察御史

高舉

成化辛卯

王勵

司副使

宗麟祥

崇禎庚辰
進士

李海

成化甲午
科

科

任工部
田司員外郎

索真

雲南郡蠻
府知府

附武進士

賈欽

成化庚子
科

運希賢

南京武清
衛經歷

于東洋

隆慶戊辰
科 翟銘

成化癸卯
科

薛昇

由東承宣
布政司左
布政

袁昂

宏治壬子
科

蕭域

山東濟寧
州知州

袁昆

宏治辛酉
科

岳泰

卷一百一十五

劉茂

宏治甲子
科官交城
知縣

鴻臚寺司
儀署丞

袁冕

正德癸酉
科

交趾諒江
府射洪州
知州

燕儒臣

嘉靖戊午
科

直隸冀州
衛經歷

賀一孝

嘉靖甲子
科

江西廬陵
知縣

李好問

隆慶丁卯
科

許華

湖廣蕪陽
縣丞

李英

山西臨汾

王璽

萬思辛卯

縣丞

姚廉

陝西富平
主簿

李正儒

萬應乙卯

吳斌

陝西澄城
縣丞

燕惟儀

天啓甲子

李炎

直隸寧遠
衛經歷

宗麟祥

天啓甲子

周南

袁象斗

崇禎癸酉

劉泌

喬烟

賀英標

陶壽

崇禎己酉
科福建寧
得縣教諭

王燧

附武舉

敦儀

于東洋

直隸沙河
縣訓導

科隆慶丁卯

崔廷

彭岱

張佐

科萬曆乙酉

谷暹

張環

山西太
縣丞

武舉見重

連仲安

修火星廟
碑除

湖廣歸州
吏目

孫儒

廣東南雄
照磨

連子華

陝西華州
判官

宋敖

湖廣巴陵
縣主簿

李慶

四川夔州
府檢校

劉珩

陝西郃陽
縣主簿

王濟

李昶

直隸樂城
主簿

喬新

山東萊蕪
縣丞

張達

陝西同州
吏目

王綱

直隸保定
州吏目

張詠

陝西徽州
吏目

田英

張森

湖廣孝感
縣巡檢

李和

蘇州府倉
庫使

華慶

于吉

蘇州府倉
副使

谷春

陝西涇州
吏目

王吉

湖廣石首
縣主簿

李道

王傑

王賢

江潤

李榮

徐昇

湖廣武昌府咸寧縣知縣

渠清

江南鎮江府丹徒縣主簿

賈福

張瓚

徐福

山東平度
州吏目

薛威

雲南鶴慶
軍民府檢
校

曹經

吳璘

江南高淳
縣丞

吳振興

袁克忠

王尙賓

湖廣監利
縣訓導

江禮

四川大邑
縣主簿

彭秀

高世英

武斌

山西淳縣
丞

張南鵬

湖廣襄陽
府照磨

張潤

湖廣沙陽
衛知事

江璘

葉文盛

程儼

楊志文

直隸清縣
主簿

萬貫

浙江衛經
歷

唐進

四川保寧
府知事

郭現

山東陽信
縣丞

葉文茂

李璋

彰德府趙
府典寶

師景勝

山西陽城
縣主簿

李政

江文華

湖廣遼府
紀善

趙良玉

張瀾

直隸永年
縣丞

賈文冕

陝西藍田
縣主簿

張衿

直隸河間
府知事

李鳴鹿

袁學

直隸祁州
訓導

茹經

李鳴岐

張希周

袁師顏

山東武城
縣訓導

曹應選

銅仁經歷

李佃

周茂

浙江湖州府經歷

賈天秩

李克信

順義縣丞

賈文卿

清源縣教諭

張希召

岳陽縣丞

袁如翰

平定州訓導

李進諫

兩淮鹽運
司經歷

江敦

平遠縣訓導

趙友禮

陝西安化
縣知縣

晏臣

賓州訓導

賈章

師道

導
荊州府訓

劉汝科

劉汝清

直隸東明
縣訓導

全體仁

安昌府教
授

馬世英

趙衍道

邱山松

林縣訓導

呂九詔

陝西華陰
縣訓導

梁謚

息縣訓導

孔樂

靈寶縣訓
導

胡絃

王聘

李文明

舞陽縣訓
導

李思睿

慶陽府經

歷

盧大壯

曹謨

武陟縣訓導

梁心傳

懷慶府教授

袁三鳳

開封府訓導

閻齊賢

燕繼祉

四川南溪縣知縣

張躍如

南陽府教

授

宗正化

何應春

永壽縣教

諭

楊宗泗

溫州府平

陽縣訓導

張志

宗世芳

李芳春

新野縣訓
導

常經

郭邦棟

禹州訓導

梁可獻

汜水縣訓導

常於易

浙江永嘉縣訓導

張立綱

袁麟瑞

湖廣辰州府教授

蔣繼祿

宗聯芳

國朝

王體仁

河南通志
廩生雍正
七年督臣
保舉才猷
可供任使
山東試用

趙汝霖

徐志乾隆
元年舉孝
廉方正
賜六品頂
帶

李步青

乾隆甲寅
恩科
欽賜舉人

許元善

乾隆己未
進士任福
建歸化崇
安兩縣知
縣

附武進士

張應龐

康熙乙丑
科

劉大賚

乾隆辛巳
科任廣西
南寧府都
司

栗民梁

順治辛卯
科舉人任
山西洪河
縣知縣

許元善

雍正癸卯
恩科舉
人

宋寅賓

雍正己酉
科舉人

凌元慶

乾隆戊午
科舉人

曹鳴鶴

順治元年
貢金華府
同知

李廷柱

順治乙酉
貢項城縣
教諭

袁仁瑞

順治丙戌
貢宜陽縣
教諭

袁煥

順治戊子
貢

乙卯 恩
科 欽賜
翰林院檢
討

吳紹基

乾隆庚午
科舉人福
建鹽場大
使

閻紹慶

順治戊子
貢上海縣
知縣

王夢良

乾隆己卯
科舉人南
陽縣訓導

閻如壁

順治庚寅

李基嵩

乾隆戊子
舉人

馬顯奇

順治辛卯
拔貢兗州
府通判

宗守

乾隆丁酉
科舉人六
合縣知縣

胡承順

順治壬辰
歲貢沁水
縣訓導

程正

程維格

乾隆己亥
恩科解

東膠州同知

元

雷正祥

鄭還雅

乾隆己亥

順治甲午
歲薦貴州

恩科舉

衛經歷

人

潘業

師秉鉞

乾隆丙午

順治戊戌
歲貢

舉人

李步瀛

李當泰

乾隆壬子

順治己亥
歲貢

舉人

楊世法

李獻瑞

乾隆壬子

順治庚子
恩貢任

舉人

趙夢詔

薛鼎銓

寶雞縣丞

乾隆壬子
舉人

鎮平訓導

王麟書

乾隆壬子
舉人

賀錦標

項城訓導

曹鳴鸞

江西萬安
縣知縣

葉萬

乾隆乙卯
恩科舉人

詹之昌

康熙壬寅
歲貢

彭志遠

乾隆乙卯
恩科舉人

申元璘

康熙癸卯
歲貢中牟

凌映辰

乾隆乙卯
恩科舉人

鄧湛

康熙庚戌
歲貢陳州

附武舉

陳平九

張應龍

康熙十子
拔貢

康熙辛酉

陳泗濯

李樹勳

康熙十子
歲貢

康熙甲子
科

蕭斯蓼

李銳

康熙甲寅
歲貢

康熙戊子
科官江南
與武衛督
運守備

閻有綸

劉大賚

康熙丙辰
恩貢武
安縣訓導

乾隆丙子
科

袁惟章

孫掄魁

康熙丙辰
歲貢

乾隆丙子
科任湖北
竹山營中
軍守備

常有度

康熙戊午
貢

李取善

乾隆庚辰
恩科

劉漢宗

康熙己未
貢澠池縣
訓導

王清選

乾隆戊申
科

蕭蘭英

康熙辛酉
貢通許縣
訓導

吳五教

康熙乙丑
貢

栗銓

康熙丙寅
貢

楊

袁佩珂

康熙丁卯
貢

孔承周

康熙己巳
貢

李培

康熙辛未
貢

李增

康熙癸酉
貢

郭如量

康熙戊寅
恩貢

蕭榘

康熙戊寅
拔貢

程法

康熙丙戌
歲貢
陳留縣訓導

張允德

康熙己丑
恩貢
商邱縣教諭

趙文閻

康熙庚寅
貢
信陽州訓導

申永起

貢

程澧

裕州訓導

曹緯

雍正癸卯

恩貢

申欽文

雍正癸卯

歲貢

宋駿發

雍正癸卯

拔貢淇縣

教諭

袁瑾

雍正甲辰

歲貢

關福

雍正乙巳
歲貢宜陽
縣訓導

陳溫

雍正六年
貢安陽縣
訓導

吳械

雍正戊申
貢

孫裕

雍正己酉
廩貢

張作睿

雍正己酉

袁繼

雍正巳酉
歲貢

陳天生

雍正辛亥
歲貢

周徹頰

雍正壬子
副榜

趙恕

雍正甲寅
歲貢

朱來賓

雍正乙卯
拔貢

曹袞

乾隆丙辰
恩貢

潘烈

乾隆丙辰
歲貢

蕭崖

乾隆戊午
歲貢

宋足發

乾隆己未
歲貢
開封府訓導

郭琳

乾隆辛酉
拔貢

江文超

乾隆辛酉

貢

許從善

乾隆戊辰

歲貢永城

縣訓導

李欽

乾隆辛未

總貢孟

津縣教諭

周應甲

乾隆壬申

歲貢懷慶

縣訓導

賈瑤

乾隆乙亥

歲貢

王朝宣

乾隆己卯
歲貢

武芳

乾隆壬午
恩貢

華其英

乾隆壬午
歲貢

賈紹

乾隆甲申
歲貢

朱益謙

乾隆乙酉
長黃縣
歲貢

江灝

乾隆乙酉
歲貢

傅應吉

乾隆己丑
歲貢

徐大觀

乾隆庚寅
歲貢

任振名

乾隆辛卯
歲貢

劉文裕

乾隆壬辰
歲貢

宋元賓

乾隆癸巳
歲貢

郭鳳儀

乾隆甲午
副榜

吳纘基

乾隆甲午
歲貢嵩縣
訓導

胡嗣蘇

乾隆丁酉
拔貢考城
縣訓導

陳恒謙

乾隆丁酉
歲貢

郭緒業

乾隆庚子

恩貢

高步階

乾隆庚子

歲貢

蕭露湛

乾隆辛丑

歲貢

程元鏞

乾隆癸卯

歲貢

朱道明

乾隆丙午

恩貢

渠隨

乾隆丙午

歲貢

卷之五 選舉

三

高協

乾隆丁未
歲貢

趙誠嘉

乾隆戊申
副榜

傅獻瑞

乾隆己酉
授貢襄城
縣教諭

趙曰憲

乾隆己酉
恩貢

徐文燦

乾隆庚午
歲貢

知臨

乾隆辛亥
歲貢

王復旦

乾隆壬子
副榜

劉世楷

乾隆癸丑
歲貢

楊宿星

乾隆乙卯
歲貢

凌映斗

乾隆乙卯
優貢

閔祥麟

嘉慶元年
恩貢

趙峯

嘉慶元年
歲貢

陳鈞

王廷麒

曹綸

程道演

楊楨

閻中寬

以上六人
俱歲貢科
分無考

附明例監

張茂芳南城兵馬司副指揮 王昌齡武英殿中書舍人

蕭雲龍江南邳州州判 周之庠寶鷄縣縣丞 申其敬江

南青浦縣縣丞 栗趨庭直隸濬縣縣丞 程永福南陽府

訓導 張瓚直隸遷安縣主簿 賈文光山東曹縣主簿

江敦四川資縣主簿 朱家徵青城縣主簿 賀桂芳浙江

臨安縣主簿 燕繼祐襄垣縣主簿 張應厚青城縣主簿

閩龍江南蘇州府知事 賀聖世貴州按察司照磨 賈

士望按察司照磨 李讓鴻臚寺序班 馬瑞彩鴻臚寺序

班 葉文秀直隸冀州吏目 張廷用青州吏目 張廷相

保德州吏目 趙洵遵化縣糧大使

國朝例監

劉成烈館陶縣縣丞 王璵雲南順寧府知事 趙曰應廩

貢淮寧縣訓導 李燕山廣東大埔縣巡檢 李澍寧海縣

典史 王三甲武城縣典史 江汝澍布政司理問 劉會

魁布政司經歷 葉慧業布政司經歷 陳大酉州同 潘

騰起州同 王璣州同 王忻州同 張廷槐州同 李文

銘州同 范玫州同 李思忠州同 王學修州同 魏懷

林州同 孫嘉會州同 王旭州同 尹釗州同 雷六甲

州同 周靈雨布政司經歷 王居仁州判 胡資州同

孫石邑丞 程磊主簿 李基泰千總 王昭廩貢 王璠

謙廩貢 王康世廩貢 傅作礪廩貢 葉廷曾廩貢 葉

彬增貢 宗上吉增貢 宗宣增貢 胡天培附貢 江永

附貢 李儉附貢 潘灼附貢 劉可傳附貢 李杼附貢

梁振後附貢 王悟附貢 張瑤附貢 陳汝梅附貢

李坦附貢 李培生附貢 趙汝雯附貢 潘燿附貢 張

孟起附貢 彭拔附貢 趙正宗附貢 郭憲文附貢 李

樞附貢 李森附貢 梁璠附貢 馬芸附貢 趙文運附

貢 董呂附貢 孫文森附貢 傅作師附貢 閻錫焄附

貢 李鐸附貢 李士柄貢生 李植貢生 李垣貢生

趙日愈貢生 李步堂貢生 史宗元貢生 梁栢貢生

張三友貢生 史鵬程貢生 傅作幹貢生 史鵬路貢生

傅雲瑞貢生 牛鐸貢生 王恬貢生

附明武仕

宗順汝州衛正千戶 趙璉汝州衛百戶

國朝武仕

郭汝量督糧叅軍 林建保定府叅軍 朱冲原銜左都督
同知康熙間鎮守古北口 江芳原銜副總兵 金得廣西
梧州府副將 蕭銘四川成都府遊擊 李沼陝西慶陽營
都司 孫善長江南葦蕩右營守備 周天祿湖廣督標左
營千總 周禮湖廣督標千總

國朝吏任

柴相臣浙江衢州府司獄 安允恭左州吏目 高賢湖廣

漢口鎮巡檢 范儒臣江南吳江縣巡檢 張繼武直隸

州巡檢 張文炳福建莆田縣巡檢 張增江南廣德州巡
檢 魏顯廣東開平縣巡檢 杜召廣東宣化縣巡檢 孫
起祥山西嵐縣巡檢

國朝農官

孫廷遇雍正二年授 李永振雍正三年授 尹光碩雍正
四年授 郝鳴凱雍正五年授

附唐誥封

元延祖結之父寶應元年追贈左贊善大夫

明誥封

袁鑑愷之父封徵仕郎兵科給事中加封中憲大夫南京鴻
臚寺卿又加封通議大夫南京都察院右副都御史妻曹氏

封孺人加封恭人又加贈淑人 賀宗朝一孝之父贈文林
郎山東歷城縣知縣妻朱氏封孺人 賀一孝承芳之父原
贈文林郎追贈承德郎江西饒州府推官妻劉氏原贈孺人
追贈安人 燕舉敕贈奉直大夫山東道監察御史 王宗
義敕贈承德郎刑部四川司主事加封中憲大夫漢中府知
府妻張氏封安人加封恭人 張祥茂芳之父敕贈文林郎
南城兵馬司副指揮 張茂芳敕封文林郎南城兵馬司副
指揮

國朝詔封

王乘時廷麒之父康熙五十一年援例封登仕佐郎儒學訓
導妻張氏封孺人 陳溫彰德府安陽縣訓導雍正八年封

修職佐郎妻程氏封孺人 宋文運駿發之父乾隆三年贈
修職郎衛輝府淇縣教諭妻任氏封孺人 許中從善之父
乾隆二十六年贈修職佐郎歸德府永城縣訓導妻何氏
贈孺人 王恬夢良之父乾隆三十六年贈修職郎南陽
府南陽縣訓導妻杜氏李氏贈孺人 宋駿發來賓之父乾
隆三十六年贈修職郎開封府洧川縣教諭妻臧氏錢氏贈
孺人李天傑基嵩之祖乾隆三十八年援例贈奉直大夫
妻吳氏贈宜人 李思敬基嵩之父乾隆三十八年援例
贈奉直大夫妻呂氏贈宜人 王廷弼夢良之祖乾隆
四十五年贈修職郎南陽府南陽縣訓導妻彭氏張氏贈孺
人 宋寅賓益謙之父乾隆四十五年贈修職郎汝寧府羅

山縣教諭妻李氏贈孺人 李燕山廣東大埔縣三河司巡檢乾隆五十年封登仕佐郎 王明玉璵之父乾隆五十年贈登仕郎雲南順寧府知事妻張氏溫氏贈孺人

附明壽官

宗瀛萬曆七年鄉飲大賓 栗楫萬曆七年鄉飲大賓

國朝壽官

栗公庭順治口年鄉飲大賓 宗朝柱康熙十八年鄉飲大

賓 程正儒康熙口口年鄉飲大賓 王乘時康熙口口年

鄉飲大賓 高譽康熙口口口年鄉飲大賓 武生馬斌康

熙六十年賜壽民衣 增生朱乾乾隆元年以壽賜八品頂

帶 增生程淦乾隆元年以壽賜八品頂帶 武生徐卓立

乾隆元年以壽賜八品頂帶

補遺

歲貢

陳鈞乾隆二年歲貢

例監

郎大秩四川重慶府經歷見萬曆四十年香山造大慈悲菩薩記碑

例仕

王金章廣東肇慶府高明縣三洲司巡檢

原任山東博山縣知縣偃師武億

同纂

魯山縣知縣徐杭董作棟

地理志

沿革

夏魯縣

左傳昭二十九年劉累學擾龍于豢龍氏以事孔甲龍一
雌死潛醢以食夏后夏后饗之既而使求之懼而遷于魯
縣

漢書地理志南陽郡魯陽注有魯山古魯縣御龍氏所遷
後漢書郡國志南陽郡魯陽有魯山注前志曰古魯縣

元和郡縣志魯山縣本漢魯陽縣古魯縣也

春秋分記在夏爲魯縣劉累遷於魯趙氏引

顧炎武日知錄漢書地理志言秦并兼四海以爲周制微
弱終爲諸侯所喪故不立尺土之封分天下爲郡縣蓋滅
前聖之苗裔靡有子遺後之文人祖述其說以爲廢封建
立郡縣皆始皇之所爲也以余觀之殆不然昭二十九年
傳蔡墨言劉累遷于魯縣則夏后氏已有縣之名

魯縣又名魯陽

竹書紀年帝孔甲七年劉累遷於魯陽

案兩漢及魏晉元魏郡縣立名並緣諸此

魯陽于周爲東都近畿地春秋時屬鄭又屬楚

左傳昭公元年楚公子圍使公子黑肱伯州犁城犇櫟邲
注犇縣屬南陽邲縣屬襄城櫟今河南陽翟縣三邑本鄭
地

顧棟高春秋大事表昭元年楚城犇邲註犇縣屬南陽本
鄭邑此時已入楚史記沛公與秦南陽守莊嚴戰于犇東
卽此今汝州魯山縣東南有犇縣故城

案魯山地屬鄭見於春秋者又有繞角城威六年左氏傳晉
欒書救鄭與楚師遇于繞角注鄭地又杜佑通典汝州魯
山縣東南有繞角城是也徐若階志但以犇証鄭邑蓋漏
于此矣志引國語楚惠王以魯陽與文子謂戰國屬楚考
惠王元年當魯哀公七年時猶爲春秋之季不得以爲戰

國也

安楚之境已過魯陽外傳國語惠王以梁與魯陽文子故
荀子云楚汝賴以爲險文子又言梁險而在北境殆于逼
虛周畿矣

戰國時屬魏

中記楚世家肅王十年魏取我魯陽魏世家武侯十年
我楚取魯陽

宋名立汝州續志魯山縣按舊云魯於戰國屬韓以魯固
鄭地而鄭爲韓所滅也考國語楚惠王時以魯陽與文子
則春秋之末已爲楚有矣迨惠王卒後六十五年而韓始
滅鄭安見魯陽仍爲鄭有而爲韓所併耶韓滅鄭後四年

魏伐楚取魯陽則魯陽之非韓明矣

案續河南通志以戰國屬楚蓋失斟也

秦泲魏地入秦當屬三川郡

漢屬南陽郡

漢書地理志南陽郡魯陽注魯山澠水所出東北至定陵
入汝又有昆水東南至定陵入汝

後漢因之

後漢書郡國志南陽郡魯陽有魯山有牛蘭累亭

三國魏因之

洪亮吉三國疆域志南陽郡秦置魏領縣二十二魯陽漢
舊縣魏侯國

案魯陽于魏亦爲中都邊地魏畧改長安譙許昌鄧汝陽爲五都立石表西界宜陽北循太行東北界陽平南循魯陽東界郟爲中都之地據是則魯陽蓋中都南界也

案王士俊河南通志以魯陽于三國魏時屬荊州南陽郡續志及王登魁汝州志徐志皆同獨前明一統志稱三國魏爲廣州所謂不學面墻致成巨謬也

晉屬南陽國

晉書地理志南陽國魯陽注公國相

明一統志晉復置魯陽縣屬南陽國

宋屬南陽郡

宋書州郡志南陽太守秦立屬荊州永初郡國有比陽魯

陽精陽西鄂犇葉雉博望八縣並漢舊縣何志無犇雉徐志無

北陽魯陽精陽西鄂博望而有葉餘並同

元魏改為魯陽鎮

魏書地形志魯陽郡太和十一年置鎮

元和郡縣志後魏太和十一年孝文帝南巡置魯陽鎮

顧祖禹方輿紀要後魏太和十一年置魯陽鎮

尋改為荊州

地形志大和十八年改為荊州

元和郡縣志太和十八年改鎮為荊州

方輿紀要太和十八年改為荊州

又改為廣州

方輿紀要太和十八年改爲荊州尋改爲廣州

案通鑑齊明帝紀建武三年

當太和二十年

夏四月甲辰魏廣州

刺史薛法護來降注以蕭子顯齊書考之廣州不在太和

十年分置三十八州之數魏收地形志永安中置廣州治

魯陽意此時廣州亦當置于魯陽也建武四年

當太和二十一年

九月初遷洛陽荊州刺史薛真度勸魏主先取樊鄧注此

時魏荊州猶治魯陽樊鄧逼近洛陽欲先取之以廣封畧

顧景范本此

又改置魯陽郡

地形志魯陽郡太和十一年置鎮十八年改爲荊州二十

二年罷置領縣二山北太和十一年置河山太和二十一

年置

元和卅縣志太和二十二年罷荊州置魯陽郡改魯陽縣
爲北山縣

又改爲廣州

地形志永安中置治魯陽武定中陷徙治襄城

方輿紀要永安二年復置廣州東魏武定中廣州移置于
襄城縣

西魏仍於此置廣州

方輿紀要東魏武定中廣州移置于襄城縣下魏得其地
仍置廣州

尋改爲魯州

隋書地理志襄城郡後魏置荊州尋廢立魯陽郡後置魯州

方輿紀要西魏置廣州尋改曰魯州

隋初因之大業初廢州爲魯縣

地理志開皇初郡廢大業初州廢

案通鑑長城公至德元年當隋開皇三年十一月甲午悉罷諸郡爲州卽志稱開皇初郡廢也

唐初仍爲魯州

元和郡縣志武德四年又于縣置魯州貞觀元年州廢以魯山屬伊州八年改伊州爲汝州

舊唐書地理志魯山隋舊武德四年于縣置魯州領魯山

滎陽二縣貞觀元年州廢仍置滎陽縣以魯山縣屬伊州
八年改伊州爲汝州

新唐書地理志魯山紫王世充置魯州武德四年廢俄以
魯山滎陽復置魯州貞觀九年州廢省滎陽以魯山來屬
太平寰宇記隋末王充據有鞏洛于此立魯州唐武德四
年充平州廢後爲縣入伊州貞觀八年改伊州爲汝州
續河南通志以恭帝時置魯州案此卽王充所置也今不
從王充卽王世充唐時因太宗諱去世字

太平寰宇記總序貞觀元年以廢魯州魯山縣不屬

附考証按新唐書地理志及唐會要廢魯州皆在貞觀九
年此云貞觀元年以廢魯州魯山縣來屬其年省梁縣蓋

承舊唐書地理志之誤也

案元和郡縣志亦云貞觀元年州廢更前于劉眘唐書或當各有所據未可云誤

方輿紀要唐初復置魯州改縣曰魯山貞觀初州廢縣屬伊州八年改屬汝州

案此亦不依九年廢州爲文

案魯山名縣始于王莽水經注滄水又東逕魯陽縣故城南城卽劉累之故邑也有魯山縣居其陽故因名焉王莽之魯山也考王莽改易縣名不載班固志及後周改北山爲魯山元和郡縣志北山而唐因其名世多不知其起于王莽故附著之

五代時魯山并屬汝州

案宋史字謙溥傳父堯天福初出爲汝州魯山令于時魯山屬汝此其一証也

宋因之

宋史地理志汝州魯山中

元豐九域志汝州中魯山州南一百二十里一鄉曹村龍

輿二鎮有堯水澗水鷓路

案堯水爲堯山之訛

案今曹村在寶豐香山南名曹鎮者卽其地龍輿卽今寶豐考宋朝事實熙寧四年省龍輿縣入魯山縣元祐二年復置九域志據龍輿旣省之文故以二鎮屬魯山

金因之

金史地理志汝州魯山

元因之

元史地理志汝州魯山下

明初屬南陽後以汝州爲直隸改屬汝州

明史彙洪武初以汝州治梁縣省入屬南陽府成化六年
改隸布政司

明史地理志汝州洪武初以州治梁縣省入成化十二年
九月直隸布政司

明史地理志汝州魯山州西南東有魯山西有堯山潢水
所出西南有波水流入焉又西北有歇馬嶺關巡檢司

汝州續志汝州明成化間改直隸河南布政司析汝州

南西南境置寶豐伊陽二縣則大中丞原公傑與鄉少司馬
馬傑昭二公事也

徐志成化六年改汝州直隸布政使司而魯山隸焉

案明史列傳原傑字子英陽城人成化十二年出撫荆襄
流民于西安增山陽南陽增南召桐栢汝州增伊陽各隸
其舊據是則增置伊陽卽以汝州爲直隸傑實發其議正
在成化十二年與地里志合明史藁以爲成化六年者誤
也續河南通志作成化元年改汝州爲直隸州爲尤謬

國朝因之

河南通志汝州魯山編戶十里

疆域

顧炎武天下郡國利病書

魯山東至葉縣界在任店六十里又三十里抵縣

西至嵩縣界在沒大嶺一百五十里又九十里抵縣

南至南召縣界在白沙嶺五十里又九十里抵縣

北至汝州界在青條嶺三十里又一百里抵州

西北至伊陽縣界在歇馬嶺五十里又一百里抵縣

廣二百一十里袤八十里

方輿紀要魯山縣州正南百二十里南至南陽府南召縣
百二十里

河南通志

魯山東至南陽府葉縣界七十里

西至伊陽縣界七十里

南至南陽府南陽縣界五十里

北至寶豐縣界三十里

汝州志

魯山縣東至葉縣界七十里

西至伊陽縣界七十里

南至南陽縣界四十五里

東北至寶豐縣界三十里

王雍縣志

魯山東至葉縣界七十里

西至伊陽縣界七十里

南至南陽縣界四十五里

東北至寶豐縣界三十里

徐志魯山在河南省西南四百三十里

東北至寶豐縣五十里

東南至葉縣九十里

西至嵩縣二百六十里

南至南召縣九十里

北至汝州一百二十里

東西二百二十里南北八十里

東北至寶豐縣界三十五里

東至葉縣界七十里

西至嵩縣界一百八十里

南至南召縣界四十五里

北至寶豐縣界三十五里

案通志州志及前後兩縣志于縣界未能委晰又不明四至八到皆于志例未符今依元和郡縣志例具書如左

四至八到

東至安坡梁庄火神廟爲界去城四十五里與寶豐縣境

西河鎮庄接

西至過風樓爲界去城一百七十里與嵩縣境也龍溝接

南至交界汎石碑爲界去城四十五里與南召縣境四十

里舖庄接

魯山縣志卷六
北至黑峪口石碑爲界去城三十里與寶豐縣境老飯店
接

東北至交界傅庄東嶺上有石碑爲界去城三十五里與
寶豐縣境小店庄接

西北至雙石碑爲界去城九十五里與汝州境小李溝庄
接偏西與伊陽縣境鹽店庄接

東南至玉皇廟店爲界去城七十里與汝州大五營庄接
西南至分水嶺土地廟爲界去城九十里與南召縣境白
龍廟庄接

魯山縣志卷七

原任山東博山縣知縣偃師武億

同纂

魯山縣知縣餘杭董作棟

地理志

山川

魯山縣極西爲蔓渠山

水經伊水出南陽魯陽縣蔓渠山

案蔓渠卽悶頓嶺在盧氏縣東南一百六十餘里據此則魯山古疆域東西最爲延袤蓋跨越今嵩縣之境

蔓渠山又東入今縣西境爲魯山一名天息山一名高陵山一名猛山一名還歸山一名燕泉山一名堯山一名大孟

山一名大陌山一名大龍山一名伏牛山俗名沒大嶺
漢書地理志魯山滄水所出

水經汝水出河南梁縣勉鄉西天息山注引地理志曰出
高陵山卽猛山也亦言出南陽魯陽縣之大孟山又言出
宏農盧氏縣還歸山博物志曰汝出燕泉山並異名也

括地志云源出汝州魯山縣西伏牛山

史記正義引

元和郡縣志汝水出魯山縣西一百五十里天息山一名
伏牛山又滄水出縣西大陌山

通志地理畧汝水出汝州魯山縣大孟山其地與宏農盧
氏接界故許慎誤謂出盧氏也

文選張平子南都賦遠世則劉后甘厥龍醢視魯縣而來

遷奉先帝而追孝立唐祀乎堯山注水經曰南陽縣西堯山酈元曰魯縣立堯祠于西山謂之堯山也

水經注堯山在太和川太和城東北

太平寰宇記堯山俗名大陌山水經云堯孫劉累遷此故立堯祠於西山焉今山亦號大龍山因擾龍見稱

案魯山自漢所指其地卽今縣西一百七十餘里俗名沒大嶺漢書地理志魯陽注有魯山古魯縣御龍氏所遷魯山滢水所出東北至定陵入汝許氏說文滢水出南陽魯陽堯山東北入汝水經注滢水出于堯山元小郡縣志滢水出縣西大陌山方輿紀要沙河源出莫大嶺者記錄言滢水之源名或有異實一山也沒大嶺迤北而折于東證

之水經注澧水又東逕魯陽縣故城南城卽劉累之故邑
也有魯山縣居其陽故因名焉王莽之魯山也其地當爲
今邱公城距縣二十餘里以此文承上澧水又與波水合
下邱公城正近澧波合流之處邱與魯音讀轉易故也是
魯陽故城爲漢縣地有魯山謂在今縣治之西迤折而北
皆得是名也元魏來指魯山如澧水又東北合牛蘭水水
發縣北牛蘭山東南逕魯陽城東牛蘭水又東南與栢樹
溪水合水出魯山北峽谷中東南流逕魯山西而南合牛
蘭水又東南逕魯山南關駟曰魯陽縣今其地魯山是也
駟富元魏時撰十三州志目驗爲今魯山實以廣州刺史
及魯陽郡治所在當之蓋卽今縣治東魯山是也魯山自

極西而北而東來猶太行之有八極其實一太行也後人
隨地殊稱溷淆莫辨但依縣治之東爲魯山專名此其疎
矣元和郡縣志魯山在縣東北十里方輿紀要魯山在縣
東北十八里縣以此名今之爲方志者並依之蓋得其一
而未悉也縣東魯山雖奇特迥秀比諸莫大嶺何異培塿
之于泰山故愚敢於違舊說者以班志所定爲審其實是
縣之得名由此也

案方輿紀要堯山在縣西四十里夏孔甲時劉累遷魯立
堯祠于山上因名又云大孟山在縣西南七十里西接盧
氏縣紛紛臆測皆未審正所謂四十里及七十里者並誤
大孟山若在縣西南四十里焉得與盧氏縣界接也

案伏牛山西接盧氏東抵嵩縣及魯山縣西蓋山毗連數境故也伏牛當卽伏流之轉元和郡縣志陸渾縣伏流城東魏孝靜帝二年所築以城北焦澗水伏流地下西有伏流坂因以爲名伏流坂當爲伏牛山異名

沒大嶺迤北爲歇馬嶺

水經注潞水又與波水合水出霍陽西川大嶺東谷俗謂之歇馬嶺

歇馬嶺一名孤山

水經注引應劭所謂孤山波水所出也

方輿紀要歇馬嶺在縣西八十里亦名孤山波水所出也

歇馬嶺東南有胡木山有女靈山

二山並見水經注

歇馬嶺又東南爲青嶺

顏真卿撰元次山墓表銘葬于青嶺泉陂之原在今縣治北三十里

青嶺又東爲牛蘭山

後漢書郡國志魯陽有牛蘭累亭注謝沈書云牛蘭山也水經注牛蘭水發縣北牛蘭山

案牛蘭山在今縣治北三十餘里

牛蘭山東南爲露山

方輿紀要魯山在縣東北十八里一名露山

露山又東爲恃山

水經注橋水出魯陽縣北恃山

徐志恃山東北二十里俗訛寺山東西四堆聯絡又名四山北隣寶豐界

恃山又東爲將孤山

水經注激水出魯陽縣之將孤山

案自此漸入寶豐縣境凡不見于古記錄者皆不存

沒大嶺迤南而東行一百四十里爲大義山

隋書地理志有大義山

案今俗名曬衣山蓋以音讀致訛

大義山又東北爲壺山

後漢書樊英傳隱於壺山之陽注山在今鄧州新城縣北

卽張衡南都賦云天封大狐是也

太平御覽引水經注大胡山在泚陽北如東三十餘里廣五六十里張衡南都賦所謂天封大胡者也胡一作狐南陽圖經曰山有大石如狐

案左傳襄四年敗于狐駘禮記作臺駘臺卽壺字之訛壺又與狐通寘諸狐邱注河東垣縣有壺邱亭並可以舉證也

壺山又東南爲商餘山

顏真卿撰元次山墓表銘延祖以魯縣商餘山多靈藥遂家焉

元結演興詩商餘山有太靈古祠

集古錄目元結隱居教授于商餘之肥溪

商餘山東峯爲少餘

元結演興詩叅龍氏祠大帝所立祠在少餘西乳之下

又東爲彭山

水經注彭水出魯陽縣南彭山蟻鵠東麓北流逕彭山西下有彭山廟廟前有彭山碑漢桓帝元嘉三年杜仲長立河南通志彭山在魯山東南二十八里世傳西漢彭越嘗屯兵于此

又東爲頗山爲踐犢山

水經注犢水有二源東源出其縣西南踐犢山下西源出縣西南頗山北阜下

踐嶺山又東北入寶豐界

沒大嶺爲泚水之源一名泚水俗名沙河

說文泚水出南陽魯陽堯山

水經注汝水西出魯陽縣之大孟山蒙栢谷巖障深高山
岫遠密石徑崎嶇人蹟裁交西卽盧氏界也其水東北流
逕太和城西又東流逕其城北左右深松列植筠栢交蔭
尹公度之所棲神處也又東屈堯山而嶺下水流兩分一
水東逕堯山南爲泚水也卽經所言泚水出堯山矣一水
東北出爲汝水歷蒙栢谷左右岫壑爭深山阜競高夾水
層松茂栢嶺山蔭渚故世人以名也

案此汝與泚蓋一源而兩分近人多指泚自爲一源恐未

審晰也故具存水經之文以俟考

左氏傳僖三十三年晉陽處父侵蔡楚子上救之與晉師夾泚而軍杜注泚水出魯陽縣東經襄城定陵入汝

春秋地名考按泚水卽澧水也水經注澧水出南陽魯陽縣西之堯山東逕犇縣故城北又東南逕昆陽縣故城北又東北過潁川定陵縣西北又東過鄆縣南入于汝杜預所稱源派正合也

全祖望按左傳云楚子上與晉師夾泚而軍杜預曰泚水出魯陽縣東逕襄城定陵入汝卽澧水也蓋音同字異耳方輿紀要沙河在縣南五里源出莫大嶺東流至葉縣界合於澧水縣南三十里有清水河縣西三十里有宗齊河

俱流入於沙河

水道提綱沙河卽古澠水俗曰沙水源出魯山縣境之堯山曰沒大嶺

案顧祖禹以沙河源出莫大嶺又云東流至葉縣界合于澠水考沙河乃澠水俗名顧氏不知其爲一水而云沙河合于澠此大誤也

黃宗羲今水經澠水合沙河入汝注澠水源出魯山縣西堯山流至葉縣入沙河沙河源出桐栢山東流合三里河入汝水此又別指一沙河與顧氏異

澠水又東溫泉水自北來注之又東房陽川水自西南來注之東房陽川自西北注之西北當作西南水經注所謂房

水經澧水東逕小和川又東溫泉水注之水出北山阜七
源竒發炎熱特甚房陽川水出南陽雒縣西房陽川北流
注於澧雒縣西房陽川北流注于澧

案房陽川當卽今河路溝水

澧水迤東北行波水自西北來注之

後漢書馬融傳廣成頌浸以波澆水經注云波水出嶽馬
嶽卽應劭所謂孤山波水所出者今在汝州魯山西北
又東魯陽關水自南注之

水經注澧水右合魯陽關水水出魯陽關外分頭山嶺嶺
下夾谷東北出入澧

又東澗溪水自西南來注之

集古錄目元結隱居教授於商餘山之肥溪蘇源明商餘
操商餘之山泐溪之世

又東牛蘭水合栢樹溪水自西北注之

水經注牛蘭水發縣北牛蘭山東南與栢樹溪水合水出
魯山北峽谷中東南流逕魯山西而南合牛蘭水入京南
逕魯山南注於滄

又東彭水自南注之

水經注彭水俗謂之小滄水水出魯陽縣南彭山蟻澤東
麓逕彭山西又東北流直應城南而入滄

又東泠水河自南注之

元至元六年寶林院常住產業碑西至泠水

案此下橋水出魯陽縣北恃山東犇水出踐犢山西犇水出頰山以及養水激水出將孤山桓水出魯陽縣北山昆水出魯陽縣唐山悉見水經注其源俱在縣境而下流俱遠於魯山是以畧存其目

案徐志編次縣境諸山水識其里數所至當皆得之鄉人口述今依名徵實亦多參差而山川又襲俗稱余因以傳記所識山水各可見者條析脈理別爲一篇仍錄徐志全文附以今所收採訪事實更爲正其舛滄使人覽是編有以資備考焉

徐志山川

魯山俗名露山城東十八里孤高聳拔爲一邑之鎮因以名

縣山頂建元武塔其右峯巒上拱若舉袖然中有呂公洞俗呼牛郎洞內塑洪山神像碣云呂公棲隱之所無由考其來歷洞口東向上盤石數層方丈餘北壁穴濶數圍不測其深風吼若雷寒氣逼人下有中嶽廟東麓卽三鷄街大孟山郭璞注山海經酈道元注水經皆云汝水出魯陽大孟山今汝水出帽盈石山疑卽大孟也然嵩境非魯地也沒大嶺西百七十里高十五里乃嵩魯大界澗水之源也舊設巡檢司於此上有過風樓其西皆屬伏牛山十八梁山西百七十里西南連沒大嶺巖鄣深高山岫邃密松林摧囓石逕崎嶇鴿兒河之源也

歇馬嶺在沒大嶺東二十里卽沒大之麓也舊有關見通志

明成化時立巡檢司

李得仁採訪事實嶺馬嶺距城一百里距沒大嶺七十餘里中隔白草坪七甲關山脉絡與沒大嶺不相屬所云沒大嶺之麓非也

羊崖山西北百二十里伊魯之界高二十里周六十里山之北汝水遶之南分枝山東南行六十里至中湯其大山起伏絡繹東行十五里起爲焦山

焦山西北九十里高十五里周四十里東北行三十里歷伊之峴山東漸低平行四十里過北孜街北汝州界曰又東十里起黃鸞塚

採訪事實焦山距城一百三十里

焦山東南行爲女靈山

黃鶯塚西北九十里上有鐵佛寺址僅存鐵像東三里聯傘
兒寨山

傘兒寨山西北九十里北六里汝魯交界東南十里爲冷風
口又東南五里爲鷄冠山

鷄冠山西北八十里魯寶交界山頂有石大二丈許類鷄冠
因名山之東北十里許有滴水簷屬寶邑達老河之源也
山南有紅椿溝綿峯衝河之源也前數里一峯獨起上有
池及阿烏婆寨俗名老婆寨

老婆寨山西北七十里前有將軍山

將軍山西北六十里自鷄冠山來東南行歷石門等溝又東

轉南爲蒼頭山

蒼頭山西北四十里左有禹王河南行二十里卽五里嶺臨
泄矣

天橋嶺西北四十五里自將軍山南東行十里起連三坡東
爲天橋嶺如虹狀東南諸山接蒼頭之東嶺南爲禹王塚
無碑記不可曉山口則爲堯山

堯山西北三十里自蒼頭山南來亦高聳巔建帝堯廟有孔
處士墓南五里爲眠峯衝

眠峯山西北二十五里

虎頭山西十五里

五里嶺西二十五里俗訛吳起嶺西爲竹峪衝東北眠峯衝

南起爲掛衣山

掛衣山西二十里俗又名掛爺山相傳孝婦得翁屍于此葬
邱公山而城之事鄙俚不足信澗水逕其南

圪斗塚山卽朝陽觀

女靈山去城四十里水經注澗水之北有積石焉世謂女靈
山

將孤山西北九十里水經注激水出魯陽縣之將孤山

孤山西北六十里水經注應劭所謂孤山波水所出是也
火盤山西北七十里

孟良寨山

仰天池山

黑山一在西北十八里一在西南二十五里

明山西北三十里俗傳光武事不足信

補救關山西一百四十里

採訪事實關山口卽舊志補救關去城一百四十里

養馬坪西一百三十里

操軍場山西一百三十里

七里雁山西北九十里向北攷街之道也

白草梁山西百四十里雁山西南

竈君山

採訪事實竈君山去城一百里

鷄籠山西八十里

鋒山俗名風山西北三十里

摘西樓山

羅家頂

牽馬嶺山

鷹嘴堞

草臺山西五十里

胡木山水經注澧水合溫泉又東逕胡木山今失考

孤石溝山西北七十里其東卽寶豐之潁山也鷄冠山東行八里爲此山轉南爲娘娘山

娘娘山北偏西四十里山極高近巔有娘娘廟址后百步有石像出土尺餘前有山如鞍狀名馬鞍山山左卽寶邑煤

窰右南行爲虎堆山至縣西八里倉而止上下三十餘里
東南卽接青條嶺

青條嶺北偏西三十五里西有條山穀積山圍繞左則元次
山墓在焉又左爲次山又南則小山回抱實爲泉陂云青
嶺之麓連起三峯爲走馬嶺

次山青條嶺之左高十餘丈右數里唐元次山墓在焉山之
得名以元子也

穀積山北偏西三十里或訛爲將孤山下有雙塚山山下三
源發出爲白象河

走馬嶺北二十里左右萬壽上下二寺及段唐衛右聯黑山
太虎石嶺逶迤南行爲白廟坡

雙堞山北二十里

白廟坡北十里前有黑龍潭爲將相河之源

韓家嶺東北三十里左爲梁家窰右爲許坊街臨衆興店河
南行漸高爲桃花店東南一里有明孝子墳

段店嶺北二十里

石陂嶺東北二十里迤西六里卽雙堞山

八里坪東北十八里

傅家嶺東十五里魯山北麓

三峯山東北二十三里在恃山右上有興龍觀今廢碑尙存
恃山東北二十五里俗訛寺山東西四堞聯絡又名四山北
隣寶界橋水所出見水經注

鳳山坡俗呼大山坡縣東北二十五里有白雲洞左接荆山
荆山東北三十五里前爲交界傅家莊南有了北湖

元和嶺自恃山東南行結爲釜山

釜山俗名饅頭山東接寶邑舒應二山

交界嶺東北三十五里發恃山南逕了北湖東結舒山則爲
寶境矣

石人嶽西南百七十里大山壁立蒼松鬱茂北連沒大嶺十
八嶽環抱魯境諸水皆東流

八里坡山西南百六十里在石人嶽東南萬樹巉巖梓栢河
之源也中有玉皇溝溝有巨石高數百尺名將軍石界立
突兀石東有峭峰東北二面如削頂有仙人洞洞門西北

向不可至望見之焉

麻杆嶸山西南百四十里西北去八里坡山三十餘里小馬河之源東北卽槍杆溝山東連掛鼓樓山

掛鼓樓山西百里有石壁懸鐵環大數圍莫測其由

槍杆溝山西南百三十里油房溝南溝多白花蛇但在潢南潢北絕無之

狗兒漫山西南百二十里掛鼓山之西南麻杆嶸之東南也
高大多林木

圓嶸寨山西南八十里

月明石山

月落坪西南七十五里

南召分水大嶺清水河之源

五朶山西南

里金史蒲察定住次五朶山下取鷓路疑

卽此

採訪事實五朶山在南召縣此云五朶乃小五朶山也

鐸趨山西南 里

土門山西六十里山形若門趨没大嶺之要道也

團城山西六十里大山延綿數十里俗以爲大孟山非上有
殿址莫知其由其東則爲交口山

交口山西南四十五里兩山錯綜相交魯與南召之界也文
獻通考魯有澆山

分水嶺西南六十里團城山東西分水舊志云水卽鷓河

黃土崗南四十里俗名黃土嶺

曬衣山南三十五里

方山南二十里

壺山卽張衡南都賦所謂天封大狐是也明史云在唐縣舊
謂在魯卽非

射坡南十五里旁有將軍墓

西牛心嶸山南二十里在曬衣山東北南召之界連山橫嶺
忽起一峯頗秀聳一邑之文峯也東數里則爲商餘

採訪事實小牛心山脫下一小分水嶺嶺南屬南召嶺北
屬魯山

商餘山東南三十五里今名青山又名筆架山南連南召之

域多靈藥唐元遜祖之所宅也三峯峭起嵯峩聳業與曠
衣皆雄大冠東南諸山往往烟雲封麓微露其頂若神山
浮空可望而不可卽或稍雲冠縹不見其際其旁岡巒無
數如花山看花崖之類皆所蟠結起伏耳東南十里卽嶂
岫山

採訪事實商餘山東峯往東北脫卸起彭山往東南又分
一枝起狐爬嶺至小沙門止嶺南屬南召嶺北屬魯山

嶂岫山東南五十里屬魯境有碑記可考界連南召裕州形
與諸山異欽巖犖怪石突兀峯瘦而削巒岬以古阻絕
不可攀躋山西崖半循石罅而上約三十步許有圓石覆
其上傾險可畏從石旁小隙而出有石級皆危險僣僂而

上乃得其巔巔一大石方五丈高二丈上建元帝廟四廟
羣山祇繞膝耳

採訪事實嶂岬山往西北脫一嶺名石廟嶺嶺南屬南召
嶺北屬魯山又往北脫一枝嶺東嶺西俱屬魯山惟嶂岬
山東北角有二小庄屬汝州又往東脫一枝以分水爲界
南屬裕州北屬魯山

花山南三十里居商餘之北西偏上有二泉亢旱不竭

洪山南十五里居商餘之北如鳥舒翼考白塔寺古碑云瞻
彼右兮洪山西景俗名鳳山訛也

簌箕山南十八里洪山之東其形如箕上有白塔寺山多紫
石可作研春月夾谿桃花頗有武陵之致

看花崖南二十里近花山肥溪齧其南溪中怪石齒齒水流石上淙淙有聲崖陡不可升環背而上乃得崇椒焉

白沙嶺南三十五里商餘之東長數里多白沙北行卽彭山彭山東南三十里居商餘之東北八九里與魯山相望高亦畧等南望嶂岫若相拱然陟其巔可兼覽大小二湫之勝西下有尹儉墓有杜仲長碑舊志載世傳彭越屯兵于此失考

鐵山東南五十里橫亘裕州之北亦方城之屬也

長條嶺東南

扶案山東南五十里通志上有唐秦王廟世傳秦王嘗駐馬於此

採訪事實五岬嶽以東扶案山左右多有汝州營衛地錯處其間

石嶺東南

三山東六十里東西有二

馬山舊志東南三十里

踐犢山東南六十里東犢水所出

採訪事實水經注言東犢水出犢縣西南踐犢山東崖下水方五十步許不測其深者今已淤平土人砌作一井供多人汲亢旱不減俗呼其山爲石嶺在孫溝山東去孫溝三里許

頤山東南六十里西犢水所出二山皆見水經注今失考

採訪事實水經注言犇水出犇縣西南頰山下今沿流窮源至孫溝南山見懸崖壁立水出其僻塢中俗呼爲石門

山

唐山水經注昆水出魯陽縣唐山今失考

澧水邑之巨流衆水所會張衡南都賦曰其川瀆則澧澧灤
澧發源巖穴布濩漫汗漑沆洋溢總括急趣箭馳風疾者
也字亦作泚左傳楚與晉師夾泚而軍是也自邑城南以
下東流數十里兩岸積沙如雪故又名沙河金史蒲察定
住取鴉路至沙河是也水經云出南陽魯陽縣之堯山注
堯山在太和川太和城東北澧水出焉又歷太和川東逕
小和川又東溫泉水注之又東逕胡木山東流又會溫泉

口水又與波水合又東逕魯陽縣故城南右合魯陽關水
又東北合牛蘭水又東逕應城南彭水注之又東逕昆陽
故城北又東逕西不羹亭南亭北背汝水于定陵城北東
入汝 今考澠水發源邑極西之沒大嶺東流百七十里
逕縣城南每山水暴漲岸崩地圯瀕河之田大受其患東
至寶豐魚齒山北又東逕葉縣襄城霍堰鎮與汝合

梓柏河發源八里坡山至二郎廟入澠

小馬河一名石板河發源麻杆嶺山北入澠

鴿兒河發源十八嶺山東南流至桃源河入澠

清水河發源南召分水大嶺至下溫泉入澠

柳林河至女靈山入澠

蕩澤河卽竹谿衝之河也大源發自焦山下火盤河東流四十里數源並入至瓦屋街南流又東一源自北孜街來會又東一源發岳家村至元臺觀來會又西一源發三官廟溝出馬家樓山口爲石門河來會至邱公城入澧

澧水舊云以土沃穰故名非考字書溪各音曩唐元結僦居瑞昌之澧溪是也亦音讓義同次山詩尤愛一溪水而能存讓名是也舊又云次山家焉夫次山自猗玗奔襄陽後移澧溪則澧在今江西九江之瑞昌而非魯明矣故其詩云昔年苦逆亂舉族來南奔按水經注澧水右合魯陽關水水出魯陽關外分頭山橫嶺下來谷東北流入澧據形勢卽此水也云澧者疑後人因次山追名之耳

七里河卽眠峯衝之河也有二源一自雞冠山下紅椿溝東流二十里爲劉家河轉西南流十五里爲禹王河一源自蒼頭嶺東逕堯山前與禹王河合東南流逕縣西南入澗三里河卽白象河也出自穀積等山三源俱發至汾河合流逕白象店南流二十里逕城西東南入澗

將相河發源城北白廟坡山前黑龍潭逕北七里南流遶城東過大石橋東流十餘里漸散漫矣

肥溪二源一出文峯山一出商餘山至花山合流北逕看花崖東流至商餘口合白沙嶺水北入澗唐考功郎中蘇源明商餘操曰商餘之下肥溪之曲是也

達老河源發城西北雞冠山東北寶邑滴水簷下曲折東流

又南流至鹿家寨入魯境左有寶邑黑峪口蓮花池二水
來會逕雲臺觀許坊衆興店合衆細流至雙嶽山西二里
有元次山墓前泉陂水來會又東南逕段店鴉鴿崖葉家
堰皆有水來會又東逕郭家店前有井兒溝水來會又西
南二里出山口又東轉南爲達老河逕魯山南東流十里
許至程家村南入滄

栢樹谿水水經注云出魯山北峽谷中東南流逕魯山西而
南合牛蘭水疑卽今犁揜溝水

彭水俗謂小滄水今人呼大滄水爲沙河直呼彭水爲滄河
矣源自南召縣爛柴溝出博物志雉滄所出是也曲折東
流傍山緣谷四十餘里始入魯境至麥家川又東迤北二

十餘里至宋家口始出山北至孫村入澗

清水河通志源自赤城村東流入沙河今逕張家村黃家村
東南流者是

冷水河果園莊前有小水細流不絕至陳家營西漸大北入
澗

犇水水經注俗謂之秋河非也有二源東源出犇縣西南踐
犢山東崖下水方五十步許不測其深東北流逕犇縣南
又東北屈逕其縣東而北合西流水西源出犇縣西南頗
山北阜下東北逕犇城西又屈逕其縣北東合二水亂流
北注于澗漢高祖入關破南陽太守呂齮於犇東卽于是
地澗水之陰也今按西源犇水俗名泥河逕犇城北杜家

庄入寶境至下石橋達滢東源俗名秋河繞犇城南自汝
屬梁官營入寶境至下石橋合西犇水達於滢

湯水河西十里保

咬麻河西十里保二水隨雨旱爲盈涸

冷河陽石保

湖河孫村保

灰河孫村保

紙坊河自紙坊莊東長嶺流西遶黑張家莊入小滢水

紅沙河上下數里岸皆紅沙逕劉五溝入滢

三灣河南三十里一水曲折俗呼三道灣卽古鴉水

波水水經注出霍陽西川大嶺東谷俗謂之歇馬嶺川曰廣

陽川非也卽應劭所謂孤山波水所出也馬融廣成頌曰
浸以波漾其水又逕蠻城下又南分三川於台亭東而俱
南入湫水湫水自下兼波水之通稱也今失其名

昆水水經注出魯陽縣唐山

激水水經注出魯陽縣之將孤山

洱水

汚水水經注地理志曰熊耳之山出三水洱水其一焉東南
至魯陽入汚 以上四水今俱非魯境

塔兒灣東八里多古塔今廢

賀家灣北七里達老河畔上有賀將軍廟

朱家灣西

黑龍潭北十里白廟坡前水深莫測禱雨輒應將相河之源也

溫泉水經注溫泉出北山七泉奇發炎熱特甚鬪駟曰縣有

湯水可以療疾矣南流注澁又溫泉口水出北山阜炎熱

奇毒痾疾之徒無能澡其衝漂救養者

六帖作救養

咸去湯十

許步別地然後可入湯側有石銘云皇女湯可以療萬疾

者也故杜彥達云然如沸湯可以熟米飯而

一作飲之

愈百病

道士清身沐浴一日三飯多少自在四十日後身中萬病

愈三蟲死學道遭難逢危終無悔心可以牢神存志卽南

都賦所謂湯谷涌其後者也今按溫泉有上中下三相去

各二十餘里皆南注澁初出奇熱可瀰猪羊下流數武可

以溉田故王虞洛都賦曰雞頭溫水魯陽神泉不爨自沸
熱若焦然爛毛淪卵煮絹濯鮮痿瘵痲疴浸之則痊功邁
藥石勲著不言亦頗得其實今下溫泉去縣西五十里有
浴室僧人司之

寒泉水經注湯側又有寒泉焉地勢不殊而炎涼異致雖隆
火盛日肅若冰谷矣渾流同谿南注澁舊志云縣西八十
里有涼水泉其涼沁齒飲之除恙卽此

湖泉東南十五里古有湖出泉今湖竭而泉流自若
師姑泉西六十里中有石盆

泉陵北二十里青條嶺下其深莫測甘涼可飲有元次山墓
響水泉出魯山下

馬家泉

了北湖東北三十里釜山後上通馬家泉下由羊石渠入湖
旱乾爲沃壤雨霖則積水渟泓遙望若鑑湖焉

水磨溝北二十里

回龍溝西七十里

峽峪溝

晉山縣志卷七終

魯山縣志卷八

原任山東博山縣知縣假師武 億

同纂

魯山縣知縣餘杭董作棟

地理志

建置

城池

河南通志魯山縣城始築未詳明洪武三年知縣曾光祖增築周圍五里高一丈七尺廣如之池深一丈濶二丈成化嘉靖萬厯間縣丞張珩知縣姚卿苗煥相繼修葺

徐志魯方城五門甚與家謂取土形以收四方中正之氣始築未詳明洪武三年知縣曾光祖增築周圍五里高二

丈上濶七尺下濶九尺雉堞一千一百一十五垛皆甃甃
池深一丈濶二丈成化嘉靖間縣丞張珩知縣姚卿相繼
修葺萬厯間傾圯幾墟邑令苗煥大修之

案魯山縣門四隆慶間縣尹又開一新南門于學宮之前
故縣有五門見袁道墓表

附嘉靖二年修城殘碣魯山縣永定里四十三畝缺先分
工一丈五尺後分四丈五尺東至三十五畝西至九畝缺

管城縣丞楊缺總管王天爵等諸人名

謝江魯山縣城碑記嘉靖戊申歲予使南陽道出魯山縣
見城頽甚今逾三載而修之成蓋尹姚君卿爲之云初姚
君之至縣也履城池而觀焉垣獻齒壕壅徑竇穿凌缺

浸濕蓬草蔓蔓乃仰而嘆曰城若此不葺可憂已遂集父
老士大夫而言曰民賴城以保障無城無縣無縣無民夫
令者任保障之責也而不城是棄縣棄民其咎奚歸予將
城厥城僉曰役衆費饒且上官多疑故前令避之四政舉
姚君曰是爲私廢公爲已病民也豈可哉吾苟不竊上之
人疑竊弗忸也吾苟竊上之人不疑竊忸也但於心無忸
雖役衆費饒何害矧斯時中原烽燧日起雖名都巨雉咸
以崇墉爲亟况小邑耶城之猶懼其晚顧敢避嫌而棄之
耶於是上之省臺遂量工經費兼備鳩材程期度候搏勞
節力乃興畚杵登登四聞庶民雲若歡踴而赴且靡蹙靡
紆革仍適中利不侵下役不奪農監蹟者頌覈實者褒是

役也始於嘉靖辛亥三月迨十月而告成謝子曰姚其克
令哉復隍之戒易闢其文勤墾之稱書昭其義故春秋凡
城必書之雖美惡異迹褒貶殊旨要之惟時且義者爲足
嘉姚君動協時義民用安輯誠美迹也予安得不嘉而書
之哉

袁象斗增修魯北城記環魯皆山也處宏農大宛間素號
多事之區聿來流馬渡河薄我郊牧戕我民人想乘墉者
屢矣而如塊之土不建斗大風雨剝落垣頽堞損何以固
吾圉乎適榆關楊公來蒞茲土登陴一望輒深復隍之憂
然甫下車而百度尙缺未暇舉厥事閱三歲政和民安於
是謀諸紳士詢之父老程工庀材百堵作焉尤念北方

壁孔修且長較三面獨爲難就云乃擇邑幕黨君珠董具
功而總理督工者則任之家君也自受事以來黨公與家
君日夕勤劬而氓庶亦有子來之象不日告竣其淵與崇
視舊制過半焉遙矚之千岫接霄女墻落照近觀之鶴飛

浦雲暮捲山雨登眺之華峰如屏沙流若帶縱橫視之堅
壁雲羅周衛星列屹然稱金湯矣卽令蛇豕薦食覩茲岩
堯仞立必且心膽俱墮自此以往夜柝不驚鴻雁來集童
若叟歡呼咏歌則公之德與功長共此城同巍峙耳因記
其事而壽諸珉以誌不朽異日與峴山一片石偕傳哉是
役也邑丞劉君騰霄高君冲斗庠弟子員袁生□□馮生
文彩咸與乃事並記之

王之晉撰魯山縣大築城垣記河南居天下之中魯山又河南之中雖山城實要地也前代不具論我明二百七十餘年口有修築不過權宜補葺已耳邇來傾圯益甚兼之流土妖氛往往交訐士民徒危誠旦夕莫必其命丁丑秋榆關楊父母來牧茲土甫下車卽登城簡閱愀然曰築當急矣柰吾民之凋敝何地利不如人和姑俟之先議無形之干城而後商有據之捍衛父母蓋顯口豈弟翩翩濟世才也靈開山海響震嵩河澄若不波之月陽來有暉之春如興學則饑寒必賑而譽髦屢課是以士習丕變科貢聯口惠民則流移安撫口口種布給是以荒蕪日闢口散

復練兵則城市有招募矣村寨設爲營伍人人皆愛急之

用弭盜則山林無嘯聚矣反側化作善良處處消崔苻之
警嚴胥役則震白晝之雷革羨耗則却暮夜之金造神器
而□□藥胸藏萬隊甲兵請改折而免加派恩覃千門霖
雨種種美政堆毫莫繪卽就修城一節何其功之六而德
之溥也哉父母撫傷殘之邑秩然就理方謀諸紳衿者庶
約曰魯城當萬山之衝而居必爭之地淺薄不堪守關係
豈輕細者可勉築否衆曰便於是勸有力者輸力勸有財
者輸財督築督砌朝夕躬親自秋初迄冬季厥工告成向
之湫隘培塿巋然嚴凝崔峩雖隴塞三千秦關百二良翰
長城不過是矣魯人士慶天府之雄感百世之利也期勒
石以垂不朽因徵不佞言不佞曰父母芳猷嘉績未易更

僕隣封編氓久已沐恩澤之波敢無言以鐫之石顧此石也實民心也散則各以其心結于懷聚則同以其心篆于石峴山之石寧得專口口前口口役也上慰天子方城之命媚茲者大下恪守土匪懈之職靖共者深內而大姓小民得保闔閭家室之安外而寇鎬敵鋒可禡狡焉啓疆之魄魯無虞而無虞者更多矣異日各口口其最入報聖明嘉乃功德栢臺梧掖虛左以迎又將以造福魯山者造福天下可不察而知也若夫憇稅之棠蚤戒勿翦矣父母諱呈芳號桂林北畿之榆關人維時二尹劉君騰霄三尹高君冲斗司訓則劉君順尉則黨君珠也皆樂觀厥成有事

崇禎十有二年歲次乙卯季冬之吉立石

壇廟

先農壇徐志三間東西配房各一間在城外東南隅左貯薪
田米穀右貯農器雍正五年建

西壇西關北

南壇小南門外

東壇三間東關演武場北

厲壇城北琴臺東

學宮徐志在縣治小南門內創建未詳元至元二十年縣令
王義至正四年邑令劉毅重修明正統十四年知縣吳文
彩天順三年學訓吳裕邑舉人寧海令張韶嘉靖三十年

知縣姚卿四十三年邑令沈默萬厯二十五年教諭署魯
山篆邵警浮二十六年邑令張崇榮二十七年邑令羅文
寶天啓元年邑令盧焯崇禎十三年邑令楊呈芳各重修
國朝順治十六年邑令呂士龍教諭劉漢寵邑舉人栗民梁
歲貢師秉鉞庠生江起龍等重修康熙十九年邑令傅燮
詞加修焉

乾隆六十年九月知縣董作棟重修記文乾隆五十七年
壬子夏六月作棟奉

天子命宰河南之魯山故事下車三日舍菜于學宮棧薨廡序
頽朽在目弗足以稱瞻禮心滋惕焉以歲之不易簿領之
未治士民情僞之未悉弗暇亟也越癸丑八月學博士薦

紳弟子員相繼以請以宰之可與慮事也願新之宰懼弗
勝顧亦弗敢讓爰與之約曰毋憊勞毋愆直毋怠終毋困
人以不能毋外托于公而陰有請謁其可皆曰諾宰喜捐
百金以倡從而應者若干人鳩工庀材事乃大集陶人治
甃甃梓人施斤斲鍛者琢者巧者斲矢于唐璫砥於庀自
楹以上弗取其陳役勤卹之不稱餼退之雕礪髹繪有加
於故越甲寅十月由

大成殿而南功以次竣以其貲之美邑人用形家言請改
崇聖祠於殿北築基十有二尺宇崇二十有六尺出于地三
十有八尺崇於殿者五尺廣如殿之茲經始于乙卯
之正月吉日落成於九月吉日綜前後之費銀以兩計三

千九百五十有奇哀于衆輪者什之九益于宰者什之一
自俶功迄歲事如約之素於是揖諸生而語之曰士首四
民儲才庠序而人倫繫焉風俗關焉古者鄉遂賓興今設
科舉取士其制不同其道一也

國家興學致治百數十年重以我

皇上壽考作人羹牆如見培養士林醞釀元氣民生其間何幸
沐浴于太平而涵濡於

聖教之悠以遠也宰身從黌中來猶記其少之所習與壯之所
能萬無當於斯文之毫末而幸于簿書之暇與質厚材良
之士講求而蘊沒之其諸敦本茂實以期至于大成而不
僅以科名自狹與抑姑循其聲以徐進于賓與夫謹祀事

肅觀瞻宰之職也近文章篤倫紀深醇發越俾居則有守
出則有爲於以化民而成俗以無負

朝廷設學之意則博士薦紳諸弟子之相與有成也勗哉諸
子宰日望之矣

大成殿徐志七間順治己亥邑舉人粟民梁庠生馬遠馭李
廷楹等重修康熙十九年邑令傅燮調重修雍正二年邑
令黃淇重修監生梁琳捐銀一百兩雍正七年邑令高鼎
猷重修監生梁琳生員許中督工梁琳捐銀一百一十兩
生員李植字天因捐銀四十兩

東廡徐志五間順治十四年學諭劉漢寵督修

西廡徐志五間順治十六年舉人粟民梁庠生李廷楹等督

節烈祠三間文昌宮前南向雍正元年修

魁星樓徐志舊在小南門上康熙三十二年邑令王雍捐俸
訓導宋之元移修于東

文峯塔城上魁樓東

文昌閣城上東南隅

尊經閣徐志大成殿後今廢改建崇聖祠

儒學厯年頒藏書籍

上諭一部

聖諭廣訓一部

欽定四書文一部

周易折中三部

一年 重修雍正元年奉

特旨追崇孔子五代改啓聖宮爲崇聖祠贈爵爲王

文昌宮徐志三間在崇聖祠右康熙戊辰縣佐王積隆重修
敬一亭徐志在文昌宮後南向石刻敬一箴程子四箴范
浚儀心箴並

御制正祀典說敬一箴序

名宦祠徐志三間櫺星門內西向康熙十四年邑貢生袁
維章重修

鄉賢祠徐志三間櫺星門內東向初止建一間康熙庚午
冬汝州同知署縣事羅守疆捐俸庠生袁大年督修

忠義祠徐志三間文昌宮之前西偏東向雍正元年修

節烈祠三間文昌宮前南向雍正元年修

魁星樓徐志舊在小南門上康熙三十二年邑令王雍捐俸
訓導宋之元移修于東

文峯塔城上魁樓東

文昌閣城上東南隅

尊經閣徐志大成殿後今廢改建崇聖祠

儒學厯年頒藏書籍

上諭一部

聖諭廣訓一部

欽定四書文一部

周易折中三部

詩經傳三部

性理精義三部

明史一部

康熙字典三部

學政全書一部

四書講義三部

書經傳三部

春秋傳三部

朱子全書三部

學宮備考一部

明倫堂徐志舊五間在大成殿右康熙十九年邑令傅燮詞

重修康熙五十二年邑令高鏜重修改爲七間後壁石碑

刻

世祖章皇帝教條

齋房三間堂左西向

大門三間

二門一間

屏壁大門外

張維新撰重修魯山縣儒學文廟記今上御極二十六年
文廟告成故事有記鐫鏤於珉用志弗朽先是本治孔子
廟廷剝白洪永兩朝沿革非一葺補營繕難悉贅數 歷萬
歷癸巳馮夷肆虐阿香爲沴頽圯幾盡卽宣聖諸賢木主
在風雨中世廟敬一箴數石亦爲苔侵草破當事者憫之
會甲午歲乙未又饑明年復大饑欲舉而卒不果代州張

公來視魯事遂謁孔子廟廷慨然欲成厥工廼命工匠議
若費三廣文擘畫至于其上命一二長年散官督鳩之首
碑亭次櫺星與兩戟門次垣扉及殿廡齋堂輦飛鳥革生
色儒林諸弟子員相慶于橋門且曰代州公來天將以公
與師事者興起斯文邪屈無何工役將竣公丁內艱遂去
魯魯廣文語諸生曰代州有功于膠序代州行矣而竟無
一言以志輒令萬世下無繇知代州公諸生曰唯廼以其
事授于石夫代州惠魯人士直增修之爲兢兢云魯俗健
訟訟師胥憚之設鉅筭以伏其暴懲冒派均編審以革其
侵漁燭龍火熾躬徒跣自責甘澍始霑足青衿婚葬不及
者分俸以佐之赫赫煜煜奕奕嘖嘖卽龔黃召杜弗過也

養民所以致賢原不得分而爲兩此尤代州之可志者故
併及之是工也總其事者代州公公諱崇榮贊其事者西
蜀宋公懋升東吳張公一化上黨蘇公珮建議謀始協力
董其初終者三廣文剡公崇武陳公敬修李公曰敬法得
備書

萬曆二十六年歲次戊戌仲冬吉旦立

李正儒創建文昌閣碑記天官書斗魁戴匡六星曰文昌
宮文者精所聚昌者揚天紀實上帝圖書府也誕降厥靈
自周迄晉凡十有七世孝忠廉惠主衡文弼教之盟煌煌
祀典秩在賢序建閣雉堞何昉乎魯巖邑也峯攢巖簇蜿
蜒百里東南隅獨受其缺澤宮茲誦之席實逼處此漁畷

汲禎者儘不乏而蒲輪岑寂何與豈山川秀美甲于西京
人文獨黯淡不光耶望氣者謂必建一摩霄梯漢之勝始
足鎮靈非文昌不足以當之昔云劫運可救而何難轉文
運乎顯皇帝朝前令尹頰議不果臣力愧齒泉思効已曩
屢有日矣崇禎四年辛未春譽髦十人聚族而謀不我陋
偕請於邑侯李公公輸俸鍰十金爲募義者帥前兵憲今
山海開府楊公亦捐三金僚案紳衿暨掾屬計輸金錢百
餘緡袁生爲宰壬申夏績就屢爲屏翳所妬二載經營盡
付之望洋向若焉耳矣夫亦有陰擲掄者然神功不容畏
時五城俱圯寇氛甚惡署鐸事范公捍禦迎恩門丙夜假
寐聞閣址鈴柝聲甚囂起視寂若還則囂如初大異之助

泉布若干會撤塔瓴甃以佐城工而澤宮左掖半壁天茫
無鰲砥處矣亟謀諸賈袁二生爲更新之舉鼎足任之或
云徙炊曷備藩可復拾乎則距躍曰鵬飛萬里豈淹六息
之程騷裏千里誰限寸木之馭臣猥不自諒斯夕戴星選
鳩之臧穀穉壯咸趨畚鍤今年春正月授事夏杪訖功大
張落成之宴上下胥悅閣之爲制也大哉乾元崇効其員
以妥神貌至哉坤元卑法其方以貯寶籙一清一寧陰陽
之大義統是矣丹堊金碧峻拔而秀起巍然端拱于聖域
側觀者快之嘗試徙倚朱欄凝眸碧落第見沙漲如練溶
溶動泛槎之思華露若屏奕奕興振衣之想川岩藻纘點
綴封壤恍一文象也嵩少烟霞憶降神之奧宅河洛氤氳

泝龍馬之元樞帶礪繡口霧列星羅恍一文象也拓而廣
之五岳之凌嶒學山峯秀四溟之灝淼筆澗瀾澄燭龍綉
杏苑之暉玉兔噴桂輪之彩恍一文象也至若風雲元感
吟嘯作合繪麒麟於漢殿畫凌烟于唐室不負天祿太乙
之照耀恍文之昌熾象也意者神功呵護靈淑密移若啓
若翼之有待乎抑臣所乞靈不止此昌之爲言明也盛也
大也而粟泣鬼鏤石篆金名曰文字之昌倚馬吐鳳月露
風雲名曰文詞之昌石渠虎觀萬卷五車名曰文籍之昌
更有昌于是焉者闡濂維關閩之闕躡鄒魯洙泗之壇陟
東山泰岱之巔窺升堂入室之奧處則莘渭出則夔龍潛
則確不可拔見則天下文明道德昌焉勲名昌焉世運昌

焉光明盛大孰加于此又何必報章織女乞巧天孫羨凌
雲之著賦侈風送之豪舉也哉登斯閣也得無意乎頃者
聖天子躬御講帷注意樸棧諭禮臣以敦本實汰浮華爲
第一義夫士也必孝忠廉惠有淵居龍雷之閣修魁前六
星始聚精芒而射之矣寧直曰呼帝座摘星辰而已乎是
役也問誰祭酒邑侯李公問誰贊絃秉鐸范公問誰觀厥
成司訓譚公邑幕邢公問誰仔肩袁賈二生臣正儒不敏
才疎造鳳技謝雕龍得追蚤負之譽倖矣何力之與有彬
彬樂輸之彥題名碑左

城隍廟在城東門內

袁昂撰魯山縣重修城隍廟宇記天□□□之祀城隍神

者功在捍外衛內所以保障生民故也祭法曰聖王之制
祭祀也能捍大患則祀之其以此□□□□城隍廟遭
元季兵燹遺址荒埋無從質考我太祖高皇帝一統華夏
定鼎金陵之八年縣丞胡暹始創于治之東凡民間疾厲
早澇水火盜賊禱之捷於影響香火往來如市至于朔望
尤甚其靈感於人如此厯永樂天順以迄於成化間哲愚
異等修否不同大率補其罅隙因陋就簡而已奈何屋老
而敝風雨逐歲時飄零色久而渝丹雘隨年華凋謝今住
持道士于沖霄輩常募施修飾易新其神像及兩序儀衛
兼塑東西二廊諸功曹神屬而力資涼薄竟未能大成其
功今上皇□紀□之十四年自春以來旱霾不雨禾麥將

無生意上下方戚戚然憂嘆于是貳尹胡公判簿張公蓮
幕樊公偕口儒率吏民竭誠徒步禱于神越三日甘澍大
作占爲有年其福佑於人如此迺卜日謝神聚衆于廟旣
而出令曰願新神宇者聽人皆樂從各捐貲施材重輕有
差禮請耆老張哲協以梁贊閻美董治其事相與籲神矢
誓務竭丹悃迺貫匠傭工輦石運甃撤舊重新增高益下
易朽以堅續短爲長黜堊丹漆舉以法故不兩月間前殿
後寢煥然一新嶠章鳥翬朱扉雕甍始宏敞口麗炫耀熒
煌可以壯觀瞻起肅敬矣嗚呼福善禍淫天之道也而鬼
神實爲之害盈福謙鬼神之理也而天道實寓之天道鬼
神有二乎哉而冥夫愚婦易惑難曉不違自修而事

神以迓福遠禍神其享乎故能敬能遠宣尼之所以垂世
黷祭弗欽傳說之所以口君此萬世之明鑑也至於治民
事神有司之責也而數公實能盡之可謂賢矣落成于夏
四月望日昂因慨前人未有能記之者故用施珉僭書以
永歲月云爾時宏治十四年歲次辛酉秋八月望日

衙署

河南通志魯山縣署在城內正中明洪武三年建

徐志舊縣治在西門內大街路北縣丞典史衙俱在內今
廢

新縣治在大街路北西去舊治半里舊係申元璘民居國
初官物盡置於此後爲縣治縣丞署居其右後改爲大有

倉其左則典史之廳事也

乾隆六十年十月知縣董作棟酌定申姓歲給

魯山縣署康熙初前令因舊宇損壞借邑紳申元璘宅百餘年來已成久假乾隆五十八年七月其曾孫申五星投狀陳情具言家境清寒少求屋值余謂給值誠難而其先人之善不可泯也用許每歲捐發廿四金長爲渠曾祖祭墓之貲庶幾無德不報之義云

徐志教諭宅在明倫堂後康熙五十八年教諭孟百壽修雍正十年教諭彭萼采修二堂三間

徐志訓導宅在敬一亭後康熙五十八年訓導王都修張維新撰學田記碑陰計開學田里甲糧至貳數

原係一圖六甲劉剛地共四段計地八十九畝五分六釐
該糧四石三升二合七勺本縣給價銀五兩張斗南收訖
有卷存可查

望城崗北一段八畝東至袁來鳳北江梯西李思睿南袁
家墳

望城崗南一段十二畝東至大路西南江梯北袁來鳳
劉本清庄北一段四十畝東至王守禮西大路南賈禮聘
北趙源

小河南張名庄后一段二十九畝五分東南江梯西劉朝
陽北葉大賢

以前俱履畝逐邱新定界至與冊口等口口段不同

魯山縣志卷八
徐志典史衙在縣治內儀門西

徐志巡檢司衙門舊在西山歇馬嶺今在趙家村衙署一坐共房二十三間乾隆四年巡檢張致祥創修

案縣丞于康熙四十二年裁其署今爲倉典史署舊稱在丞署左及在儀門西者今亦入于倉其署改建于縣署前街之西南監獄在其右

書院義學

魯陽書院

河南通志魯山縣魯陽書院舊在學宮之旁康熙四十八年知縣高鐘復建

琴臺書院

乾隆 年知縣徐若階置

吳居澳重修琴臺記王君雍置元公祠徐君若階更砌石
繚垣增闢書院

義學

河南通志義學在學宮東

徐志義學三間崇聖祠南南向康熙四十八年邑令高鏗
建 一在賈家集房八間乾隆六年監生陳史起捐

羅文寶重修琴臺記予少時讀史至元德秀令歌工數十
人連袂歌于爲至起唐明皇賢哉之嘆以爲一縣令抗天
子命得免督過幸誰復賢之者元宗亦非凡主也已考紫
芝平生清介絕俗天下高其行號曰元魯山而不名則微

竊心艷慕之既舉南宮與同年王紫封同朝待漏之際譚
及元君因問尙有故址可考乎紫封曰琴臺巖如備吾邑
八景之一第久荒蕪已爾於時竊謂地主安所事事棄古
先遺跡弗葺闕賢大夫之名弗章不自意承乏以來爲令
將入城北顧而望斯臺則已慨然興嘆未數日二尹宋君
邀遊焉東則露山聳翠西則灤水流漸坐視城堞若憑几
案因命工修復之而以散官張粹馬守中領其事同寅諸
君博士弟子諸薦紳先生咸以爲當舉且謂與堪輿家言
符捐貲助之無何而荒坵斷壠頓成偉觀嘗試與諸君子
登臺劇飲想見紫芝先生之爲人彼其泥塗軒冕浮雲富
貴芥視六合眼空萬古清貞類叔度曠達類淵明爽道季

云廉頗藺相如雖千載上人凜凜恒如有生氣余于先生亦云當時編氓鼓舞泰和中間先生之琴聲者躁心釋慾心平詎非循良吏中之景星慶雲祥麟威鳳也耶坐久天籟自鳴山水清音孰非先生之琴聲乎何必絲竹乃盈耳哉意喜召伯之棠終無翦伐長陵之士或盜一抔先生之風信可謂山高而水長已詩曰高山仰止景行行止雖不能至然心鄉往之因舉白引滿命左右召管城子書數語勒之石

楊呈芳重修琴臺記余承乏以來值時事維艱殘邑餘民畧無起色惟夙夜拮据靡有寧刻而已越二年始暇訪古先遺跡唐元魯山彈琴處得於縣北百步之外人去臺空

不計年所荒邱蔓草幾成烏有問諸魯人應曰前代遠不可考賢令羅公築新之而政餘登眺焉于今歲月深傾圯極矣不佞忝司茲土敢令其剝落若此撫躬自簡雖不能齊先生之品而未始不心先生之心事上馭下總期以先生爲師範急議經營而澤中之鴻甫集忍甚役使勉出薄俸程材鳩工復創爲三楹戶垣基址一一備舉起自春仲成於夏初乃日與魯士民共樂之俯仰千古芥視六合四顧河山平看城堞聽塗者之行歌美農樵之互唱黃童白叟天籟自鳴不依稀雅樂之餘韻乎因景先生之爲人玉壺同清甘霖比潤揮手五絃百里和平衆濁而獨清衆醉而獨醒不第起元宗賢哉之嘆人人想紫芝眉宇傳至

今日尙稱元魯山而不名先生之名于薦一歌稟寧有生
氣猶藹藹陽春也寧云神爵五鳳間循良粹品哉不佞雖
爲之執鞭實欣慕焉維時二尹劉君騰霄學博劉君順幕
則黨君珠皆樂觀厥成法得備書聊記數語勒之石若夫
重新而再啓之以俟後之君子時崇禎庚辰歲孟夏

王雍重修琴臺記古今所稱名山勝水烟景雲物之區未
足深重必有名公巨儒卓犖天壤者寄託其間然後地以
人重雖百世而遙猶令景其高風者儼然若揖其人非實
有可愛慕不忘亦烏能使人低徊流連而不能去云魯治
城北不數十武爲元紫芝先生琴臺故址余自讀書懷古
心竊向往者久之迨承乏茲土簿書稍暇借二三僚友往

觀焉則見斷石荒烟鞠爲茂草沙積塵埋竟成瓦礫之墟
矣不禁慨然嘆曰先賢遺跡湮沒弗葺守土者安能辭其
責哉于是召邑之紳士父老而謀之僉曰仙令琴臺攬方
輿之秀氣爲登臨最勝之蹟惟公有命敢不竭蹶以從事
乃擴其故基經之營之鳩工庀材不數月而臺遂以成崇
宏爽塏視昔有加跂如翼如峯然起于蒼莽之中諸峯來
朝勢若星拱綠塗繡錯映帶左右於以暢襟懷而舒嘯歌
也宜哉况登斯臺也東矚露峯空濛杳靄爽氣迎人南瞻
城闕紺宮雉堞若憑几席北望烏山揮戈返照之地魯陽
公之舊跡猶有存者西睇虎頭峻嶺遙深土壤紛錯益堊
課農固圉之思暇則諏咨治具討論古今邀友浮

作賦賡青蓮幾回流碎月之詩咏宣平穿雲入翠巖之句
因地攬勝因俗雜風胥于斯臺一寓目而得之嗚呼先生
之高風亮節在千百年以上余得從千百年以下愜愜芳
型沐浴太和比來盜息民安絃歌微動雖未有所表異庶
幾告無罪於先生矣矧生長斯地者毓靈鍾秀聞風感興
今復有崇臺峻閣迴環日星照灼雲霞將見人文蔚起鳴
玉天衢余方爲國家慶菁莪之化寧第侈遊觀恣譙賞已
哉維時野鳥山花聲色互映谷鳴壑嘯萬籟鏗鉤依稀高
山流水之音泚泚乎入耳也遂援筆而爲之記

吳居澳重修琴臺記魯城北有巍然聳出者曰琴臺唐元
公紫芝爲令時實始築之同輩若顏公真卿蕭公穎士以

意氣相傾風流翰墨山水生妍遂爲千古勝概厥後物換
星移代有興廢其可考者金趙君秉文表以石書明邑令
羅君文寶楊君呈芳

國朝呂君士龍嘗補葺焉至王君雍乃置元公祠徐君若階
更砌石線垣增闢書院歲時率諸生祀之噫意已善矣獨
惜其慘淡經營曾未數年又爲風雨飄零幾不免竄廳藏
鬼之感何也夫修廢舉墜責有攸歸古良吏規天矩地苟
有利于民生不惜多方籌之况斯臺爲元公之遺趾其因
勢制宜且與鳴琴逸致相輝映耶余奉

命來守茲土竊慨然欲修復之邑紳士同商民等皆樂與有
成乃命工師選木于西山之陰近郊之良材繼之自建重

臺高百尺望之翼如真一邑大觀也稍下置茶室一若繫
腰焉其因臺而起者元公祠煥然新矣東則倣古經義治
事兩齋之遺修精舍二十四間捲蓬三間厨屋四間西則
一亭傑立亭後構邃房二重諸物稱是偏輔以數楹兩奇
石一橫一豎復角勝焉周圍計九十七丈餘花樹參差有
井泓然足資灌溉旁築一小院室三間守臺者便之並置
贍田八畝俾可以久一時革故鼎新駸駸乎既完且美其
距經始凡九月云嘗試憑欄望焉讓水潏流露山環峙青
條商餘諸勝煙雲杳靄皆若効靈呈秀于戶牖之下則斯
臺之成豈第元公之遺愛常存乎邑之人文其鵲起矣吾
恐後之觀風者昧所由也爰勒石而爲之記

吳居澳添置學田記予治魯二年廣琴臺書院及膏火之所從出凡以爲文風計也會邑紳士燕集請輸金爲之倡一時好義而樂終其事者大小從公旬月得二千有奇可謂盛矣查修造那用款項幾費十之五六贍學之資欲大增之而艱于力公議以舊田雜于山坡河濱間者稍變通以補之遂棄玉皇廟西河村和尙嶺三處共歸銀八百二十四兩又西山已典廟地得找價二百兩適城西有膏腴地五頃餘因奏成三千金購買焉合諸小庄地比九頃一十六畝零雖增地近二頃每歲課和實加倍而又過之以此延名師育英才彬彬乎割修軒酒雅歌互答絲存可觀至于日新月盛擴而充之用副我

國家養士之意則又望于後之庇棠陰者謹將學田已落贖膏火條規次列於後

一新置城西馬家窪地五頃四十畝零弓口五尺瓦草房六十間歲課銀一百七十三兩如遇歲荒仍許酌減

一東漫流地二頃零五分七釐八毫弓口五尺五寸庄房十六間課銀二十五兩

一桐樹庄地四十畝弓口五尺五寸庄房三間課銀三兩
一崗兒薛地二十畝弓口五尺二寸庄房六間課銀一兩
六錢又錢一千五百文

一賈家集地一頃弓口五尺庄房三間課銀三十四兩陳

史起捐

一附景家庄地八畝零課銀一兩二錢

一守臺人住房三間左右地八畝聽其畊種以便培植花木如有廢弛及放縱情弊卽另招佃內五畝胡宅捐

一掌院俸銀六十兩膏火銀三十四兩兩年節禮銀六兩其加增則存乎其人

一肄業生童酌定十五名每名日給膏火銀三分回家按日扣除

一附課生童不限人數難以徧給膏火其優崇則歸一體一官課每月二次首名給紙筆銀三錢以示獎勵

一設火夫二名師生各一備供應之事所置用物雖在官不得久借如違衆惟工房是問

一置漆方卓二十張 條几三張 單桌四張
條 小凳四個 條凳三十張 官椅二十把
一每歲公舉四紳士公料書院什物如須修理房院則取
給於官署焉

元公墓田

嘉慶元年四月知縣董作棟置

青嶺南泉陂原唐元次山公墓一所其域外爲監生闔詔
業因捐僱買墓四旁地十一畝五分充作元公祀田按年
收租於清明前三日備特羊席品粢醴縣官親詣致祭如
遇公出委捕廳代行禮

此地分作三段丈量西坡根一小段中寬十弓中長二十

二弓連東一段西長四十弓東長七十四弓三尺南寬四十二弓三尺北寬三十五弓一尺五寸連北邪尖一段西長四十弓南寬三十五弓一尺五寸內除元公墳地一畝六分零四毫六絲墳內栢樹三十七株

四至西至坡根東至閭姓以角石爲界南至路中北至溝涯荒圪琳墮帶下地糧四畝

普濟堂徐志舊有養濟院在火神廟衙衙久廢雍正十二年卽舊衙神廟改建普濟堂共房四十七間置地一頃一十六畝九毫紳商士民共捐銀五百九十二兩六錢二分收養無告貧民

漏澤園徐志四野皆有

石材店義塚徐志左都督同知朱沖之孫作周施
琴臺旁義塚徐志生員潘勳施

寺觀

火星廟徐志城東門內

祖師閣徐志北城上

三官廟徐志城南門內

觀音堂徐志城丁字街

南華觀通志南華觀在魯山縣治南門內元至正丙戌年
創建內有三清殿玉皇殿

寧古堂徐志城丁字街一步兩堂

大士庵徐志城後街

魯山縣志卷八
三
卧佛寺通志卧佛寺在魯山縣治東北一名荷福寺元至
正八年創建明洪武初重修置僧會司於其內

案荷福寺有金大安三年請淨因堂頭禪師琮公疏石刻
寺似非至正創建

荷福寺徐志一名卧佛寺在城後街金大安三年創建元
至正八年重修明洪武重修今置僧會司於內康熙四十
八年重修雍正二年僧法 及徒界洪重修十三年界洪
界行改建伽藍正殿

準提閣徐志城新衙後

壽星閣徐志城西南隅柳林巷

關帝廟徐志城西門內

東嶽廟徐志東關

袁冕撰重修東嶽濟瀆廟太清觀記

先王制祀禮凡神之能禦大災捍大患者則祀之有功德於社稷生民者則祀之其餘左道淫祠不與焉然得通祀於天下者惟嶽瀆之神爲最嶽有五而東嶽乃五嶽之一瀆有四而濟瀆乃四瀆之一其神分理山河默護國運陰庇人物有功於世也大矣自堯舜柴望秩於山川之後歷代罔不祀焉至於我朝祀典尤隆非特遣使登祭於名山涉祭於川瀆令各府郡邑各立廟貌以時奉祀吾魯山東關舊有東嶽廟歲久而口口宏治五年均州羽士馬崇裕與口婦翁耆宿閻美等謀更新之又以東多隙地復建

濟瀆廟三間前鑿方池以便居人遠涉懷慶□□之西有
太清觀經兵燹廢墜□基址尚存遂鼎建正殿三間三官
殿一所俱粧塑仙神狀貌畫采棟宇椽角至正德三年迄
二十餘載馬崇裕已觀化而廟觀□弛本廟焚修道士張
泰淵復謀諸闔耆宿等振鐸募緣以道行感化居民集財
糾工舊者新之缺者補之墜者舉之朽者易之無者建之
翔立嶽瀆大門三間粧塑諸廟神像茸補□石木□起濬
臺階池沼金碧輝煌美侖美奐旣高旣深視前功爲有加
可以聳□觀起肅敬焉工將落成無文以記恐將來泯二
羽士之名與闔耆宿公衆人之善故強爲記以鋪張神人
之事□□竟復有辯者曰嶽瀆山川神也諸侯祀□也

正神不歆非類今以邑人祀之神豈享乎愚曰不然昔東坡云神在天下如水在地中無處無之如掘井而得泉曰水專在是可乎人患不誠耳苟能精白一心勿貳以二勿參以三則神享克誠無在而無乎不在矣惡問其類也哉故曰有其誠則有其神無其誠則無其神辯者以愚言爲是遂并書於記以爲口祀者口告焉時正德十五年十月吉旦

關帝廟徐志東關今廢

大清觀徐志東關

真武廟徐志西關

青龍廟徐志西關明進士宗麟祥建

文昌宮徐志西關明司理賀承芳建

關帝廟徐志西關山陝商人建

二郎廟徐志西關

白衣菴徐志西關

元真觀徐志西關

大勝寺徐志在城南風雨壇右

五龍廟徐志南關

三仙閣徐志南關廢

祖師廟徐志北關

中嶽廟徐志東鄉

洪法寺徐志東鄉一名興龍寺

關帝廟徐志東鄉

迴龍寺徐志東鄉宋政和間建元至正間修

大覺寺在魯山縣城北四十里明洪武二年創建

石佛寺徐志東鄉漫流店西

祖師廟徐志東鄉程家村

瑞雲觀徐志在縣城東一十八里宋崇寧間創建

潤國寺在縣東陽石保隋開皇十六年創建金泰和五年

重修

祖師廟徐志東鄉漫流

關帝廟徐志東鄉盆兒郭家庄

方山寺徐志南鄉一名圓覺寺

卷八
菴頭溝寺徐志南鄉

背陰寺徐志南鄉一名龍泉寺

賈蔚然撰重修龍泉寺碑記龍泉寺舊矣俚呼背陰寺蓋山盤踞自南下寺當子午而北泉瀉出山之中大雄殿巋然覆之卽晴空一碧哉儻亦有噓其氣而爲雲者陰陰若雨色矣先是邑大旱邑大夫劉公玠禱輒雨榜曰龍泉寺嗣是屢禱屢有應寺之名不易焉然而圯壞於歲月矣負販董天恭者憇於斯嘆曰龍之靈謂何而風雨催頽耶欲葺之而乏於財隨罄其腰之纏更謀之邑西南善人尹師周彭佞者集衆輸貲再踰年而金碧輝煌矣善是多羅之耶果武也曰人天小果自天子言之耳曾負販者而不愛

前途之糗備也可曰有漏之因耶天恭寶豐之附城三里
七甲人歲甲午橋沈家河讓河者其收管者李文倉而史
莊王從恩均負販而不吝其貲以襄厥成者義得併錄餘
昔勒之碑之陰明萬曆三十一年歲次癸卯二月季春望
日建立

案寺內又有建觀音堂水陸殿碑袁愷撰云皇明景泰年
尼僧圓賢重建正殿前後兩座口三楹又有尼僧本淨本
明建水陸殿於正殿之東以及三門厨庫周圍垣墻悉開
廣增修功起於成化壬辰

云云

火神廟徐志南鄉讓河

觀音堂徐志南鄉鄧家樓

晉山縣志卷八
大王廟徐志南鄉

石佛寺徐志南鄉

白馬寺徐志南鄉銀洞溝

虎頭山寺徐志西鄉一名法雲寺明宣德年修

溫泉寺徐志西鄉唐建明正統間修

興龍寺徐志西鄉

玉峯寺徐志西鄉一名金山寺

紅石寺徐志西鄉後河

普照寺徐志西山

文殊菴徐志西鄉安楫柵坪

凌雲寺徐志西鄉溫泉寺

小寺徐志西鄉小寺溝

滄沱寺徐志西鄉月落坪

女靈觀在魯山縣城西六十里小山間唐大中二年創建

普陀堂徐志西鄉倉頭

中嶽廟徐志西鄉馬樓

堯帝廟徐志西鄉

三官廟徐志西鄉耿家集

火神廟徐志西鄉何家窪

朝陽觀徐志西鄉王家村

觀音堂徐志西鄉下河

興國寺徐志西鄉李子峪

仰天池寺徐志西鄉

祖師廟徐志北鄉段店

黑山廟徐志北鄉段店

萬壽寺在魯山縣段店有二其一各上萬壽寺一名下萬

壽寺

大覺寺徐志北鄉洪武二年建

雲臺觀徐志北鄉棟樹店右次山上

關帝廟徐志北鄉衆興店

觀音堂徐志北鄉李家村

三官廟徐志北鄉白象店

白龍泉廟徐志北鄉

觀音堂徐志北鄉二十八里

審神廟徐志東北鄉

西審神廟徐志東北鄉梁家窪

關帝廟徐志東北鄉

觀音堂徐志東北鄉

關帝廟徐志東北鄉山陝商人建

華嚴寺徐志東北鄉洪武間修

虎窩寺徐志東北鄉

南瞻堂徐志東北鄉

龍泉寺魯山縣城東南六十里元至正乙卯年創建

大覺寺徐志東南鄉王家營

大明寺徐志東南鄉張良店宋宣和庚子建

祖師廟徐志東南鄉張良店

關帝廟徐志東南鄉山陝商人建張良店

觀音堂徐志東南鄉張良店

泰山廟徐志東南鄉張良店

從化寺一名湖泉寺徐志東南鄉

觀音堂徐志東南鄉商餘口

觀音堂徐志東南鄉新莊

南彌陀寺徐志東南鄉義添寺

玉皇廟徐志東南鄉

龍興寺徐志東南鄉一在孫村一在石橋

興龍寺徐志東南鄉

火神廟徐志東南鄉小長村

三官廟徐志東南鄉趙家寨

祖師廟徐志東南鄉一在孫村一在三山

七聖祠徐志東南鄉雙龍店

中嶽廟徐志東南鄉石材店

廣福寺徐志東南鄉韓信街

寶林寺徐志東南鄉韓信街

趙良玉撰重建水陸殿序

佛聖人也生於西域周昭王之時自後漢明帝時因感夢
兆而化流中國其教以虛無爲宗貴慈悲不殺曰直指人

心見性成佛曰三塗六道不生不滅其言雖異要其歸無非覺悟羣生勸善懲惡之意而已自是而後晉宋齊梁隋唐元魏以來自帝王至於士民莫不尊信天下效尤猗歟盛哉至今而不滅者是或一道也否則能如是之盛且久耶魯山縣治東去四十里許名曰寶林寺古剎也東枕魚山西跨泠水河南面扶鞍山北臨沙治二河山川鍾秀風景疊萃此勝地也創始於唐顯慶二年僧人福海繼修於元至元六年僧妙甯再修我朝洪武十六年僧賢忠宣德八年僧良俊成化六年僧大愷同施主趙玘重修中殿故塑佛菩薩俱全至宏治八年愷徒道真迺寶豐石渠保李氏之巨族也質穎材達其德行作爲俱超拔衆僧每恨

述之無人遂議同法兄道宗同施王玘子趙舉增修前殿
粧塑佛像三尊俱完此時固已興起但未廣大耳至正德
十年道真又奮志曰寺無水陸殿何以供養諸神乃會同
諸僧創建修舉時際本里民陳宣聞知趨寺曰富而貴施
否則守錢虜耳余敢不辭而修爲之土木金石工價物料
悉出之而不吝焉道真遂與之協力同心命工糾匠不葺
年而五間殿宇落成內正粧塑尊佛左右觀音地藏三尊
周圍粉地繪畫諸神上天以至下地河海以至山嶽罔或
遺焉故曰水陸神因名曰水陸殿簷牙高啄有翬飛鳥革
之形鞏固磐密有竹苞松茂之勢黝堊丹漆光彩射目規
模轉於廣大氣象變於洪新光前裕後有非昔日式微之

齊山縣志卷六
三
可比矣非道真之德力固無以舉此大功非陳宣之施捨
又何以成此大功也哉鑄刻於石千古不磨正欲彰厥美
於後世也而豈徒哉大殿旣成則神有安棲人有瞻仰登
是殿而觀是神善心於是而感發惡念於是而消化矣上
而祝延聖祚下而祈保民安未必無補於治道雖然百姓
愚冥易惑難曉至如竭產充施斷臂鬻身而供養以求福
利者何多也使上有率性脩道之教仁義禮樂之化其風
俗之美可匹休於太古也又豈是迷惑之風也哉余因請
作序以紀其歲月云耳

正德十三年孟冬十月十九日

趙良玉撰修寶林寺水陸殿記

□□□□□□□□□□名曰佛因遣使之天竺求其道
得其書及沙門佛教始入中國自是□□□□流於宋魏齊
梁□□□之世僧衆塔廟徧滿天下□□□□□□□□□□
□□□□□□□教至此可謂盛矣嗚呼以戎夫而師中國
以戎俗而化華夏以戎言而法後世事非□□□然者也
蓋有關於天地之運□□□□□□□□□□□□□□□□
其立教設心無非欲人爲善去惡之意此其所以長盛□
不泯也魯山縣東韓信店西□寶林寺臨水面山風景絕
勝亦□□□□□□□□□□□□□□□□修理殿宇僧
房亦將完備奈無水陸殿以供事諸神□有住持道真勃
然興□會諸僧於堂而皆曰可行乃議本里陳宣賑□□

每□□□□□□□□□□生將所行善惡皆有報應何不
行善以爲福胎乎故請詣寺慨然任□□□辭經營□□
周圍廣闊樂施金帛取土木金石□就功□□□□□
無□□鳥鼠之□上枚枚下實實有礪密鞏固之堅大勢
嚴正廉隅整飭棟□□□□采軒翔我佛□相國之規模
拓□無可與倫□繪諸神及河□□無不安棲於斯焉時
焚香火上而祝延國祚下而祈保蒼生可謂有功於世矣
□□世人有接□□□□天下有不爲者觀陳宣會計所
□□□□□□□□毫之吝邑可謂好善樂施而高出於
人情之上矣善哉善哉妻杜氏長男陳紀次男陳朝用陳
大□□能繼父之志而□密乎落成恐日□□故立□□

□□歲月耳時□□十五年歲□□辰孟冬十有八日
張以謙撰重修水陸殿記

魯山縣東治四十里淮陰鎮□林寺水陸殿一所粵稽其
建立之繇創自唐顯慶二年其迭興迭廢不知凡幾適茲
殿宇疎漏傾頽佛像暴於風日敗於雨露凡有慈悲心者
靡不惻然動念第財貲嗇然難捨本地陳公諱尚營宇魚
川家鉅擅乎東西器宇犖乎宇宙迺舉縣之耆英也覩斯
殿宇仰斯佛像喟然嘆曰此予祖之所創建也今廢墜不
修吾先人始創功德無傳矣於是大施貲財百金磚瓦木
植巨萬復糾引合社衆信士亦各施□同協力焉改作重
修梵宇巍峩煥然一新視古之刹規模宏大文章更美奚

止缺補廢修已哉蓋當丁酉之歲孟春督工孟夏落成迨及戊戌四月遂勒之石以垂爲後之龜鑑焉何也夫寺之興廢雖本乎氣數而事之因革實存乎其人也後之視今猶今之視昔耳陳公若子若孫俱各磊落瑰偉誠能繼志述事他日見寺之疎漏益加修緝與乾坤同其悠久則公冢世德獲福亦與日月同其永長固不偉歟雖然福善禍淫固鬼神司其柄招祥招災實繇已握其券矧佛光明正大豈以詔祭而降福以非禮而降禍乎必不然矣有其誠則有其神耳語云信不誣矣予道經此寺觀斯殿宇逢住持廣口茶罷口其原繇迺知陳公之所修也條而住持通予於陳公公卽馳驥詣寺會予祝予爲文嘻日子鄙俚不能

文姑逃此數口以識其歲月云爾時萬曆戊戌孟夏吉旦
泰山廟徐志東南鄉韓信街

白塔寺徐志東南鄉簸箕山

扁鵲廟徐志東南鄉

佛頭寺徐志東南鄉佛頭山東

石橋寺碾子橋今名碾子營徐志東南鄉

觀音堂徐志東南鄉閻家窪

大聖寺徐志東南鄉湖泉疇

正覺寺徐志東南鄉

仁慈觀徐志西南鄉大石塚

祖師廟徐志西南鄉交口街

火神廟徐志西南鄉曠場

興佛寺徐志西南鄉黑峪

龍泉寺徐志西南鄉蘇家灣

關帝廟徐志西北鄉瓦屋

觀音寺一在仙人塚一在太平保一在孤山徐志西北鄉

元臺觀徐志西北鄉太平保

袁冕撰重修元臺觀祖師廟記天下以道鳴者儒釋道三者而已儒之正不容議其近夫儒者唯道教也道教始於老氏本之以虛約之以靜御之以嗇出之以果守之以退歸之以無爲以是勝人以是攝生口口中正純粹之學口口之韻口淡之風亦足以感物而化俗元帝之道亦老氏

之道也始由是口口終作聖徽號元武正位北方出入隱
顯變化莫測擅造化之權司人間之事福善禍淫昭然可
驗其道已元於老氏故習道教者咸以祖師稱之累代加
封碑誌紛紛可稽至我朝永樂間有護國退寇之靈遣重
臣勅賜太和山宮觀崇以金殿祀以上帝禮亘古至今未
有如其盛者靈應感通遠近相傳名山勝概郡邑村落各
立祖師廟貌以崇祀之無非祈福而禳禍也吾魯陽太平
保鎮北有山名口山山之巔舊有元臺觀祖師廟累經兵燹
廢墜而遺址荒涼尙存居民楊銘覽山水之秀顧風景之
盛遂形諸嘆曰此真神仙居也欲重修之顧力量不及何
乃求諸羽人賀崇仁俾主觀以募緣遂首捐己貲爲義士

倡更竭誠祝天誓不存私由是遠近感化有山林者獻其材有農業者供其粟有膂力者助其工富者施其財巧者呈其藝百工畢集羣力俱舉斬荆棘平險塞開道路砌臺階以經以營運石運甃督匠掄材各有所歸遂口建祖師殿前起四帥亭後創三官廟其他若靈官殿三清殿聖公聖母堂道院厨庫客亭經室奚翅百楹皆以次舉粉墨青綠華藻絢耀口諸聖像飾以金碧衣以文綵輝煌奪目儼然布天威而監下土其錢穀所費雖以萬計而財不告匱人不告勞蓋皆出於人心之樂然非矯強以致之也廟既成遠近居人各洗心竭誠焚香拜禱祈福禳災往來如市口口受命如響顯報無差苟立心不誠雖以求福反獲實

禍矧可射思而不敬乎祭典曰法施於口則祀之能禦災
災捍大患者則祀之今祖師威靈上護天朝下庇人物有
功於世教大矣豈止施法以禦捍災患者焉我朝廟祀之
厚人心欽祭之深非過也宜也是廟之役經始於正德元
年丙寅孟春迄工於十四年己卯季冬統理其工者楊君
銘克新也贊襄其事者口君口口道也予因二人之請姑
述此以記成功於不朽焉

案明史藁太宗靖難以神有顯相功又於京城艮隅并武
當山重建廟宇兩京歲時朔望各遣官致祭而武當山又
專官督祀碑云遣重臣致祀卽與史證符也

孤山寺徐志西北鄉太平保

余家堂徐志西北鄉

興國寺徐志西北鄉一名銷金寺永樂間修

文殊寺徐志西北鄉洪武乙卯修

雷音寺徐志西北鄉老婆寨

北彌陀寺徐志西北鄉白象保

彌陀寺徐志西北鄉一老婆寨東一娘娘山前

玉泉寺一名五梁山徐志西北鄉

竹林寺徐志西北鄉

明山寺徐志西北鄉明山口雍正元年僧通良創建

觀音堂徐志西北鄉一董家村一高家村

大潞寺徐志西北鄉遮風梁

普陀寺徐志西北鄉骨石寨

磨角寺徐志西北鄉老虎漫

兩程夫子祠城東程家村明嘉靖十六年程仁展建

楊公祠徐志大街縣治東卽舊東察院也

燕御史祠

賀主事祠

袁都憲祠在東關

李好問撰袁遇墓表遇捐金百餘於東門外遂築墓十間
上建大門二門口有東塾西塾正堂各三間遇怡然曰吾
父之命可對揚吾祖之恩少酬其萬一

按李好問撰袁遇墓表遇父臨終囑以都憲之祠未修及

父卒遇乃捐金百餘於東門外遂築基十間

云

然則都

憲祠乃遇所創也諸舊志皆未載及

崔兵憲承德祠

李正儒創建崔兵憲承德祠副觀察崔公擁節旌鎮魯山
茲事已四十餘稔矣民于今德之然道路有口口說無地
每對邑人士舉似之殊扼腕博士員程賈二生慨嘆其事
構祠於環橋之左挹聖光也正儒不敏敢紀其畧於萬厯
癸巳屏翳肆被滂霖如注自初夏以徂仲秋黃雲鬱鬱綠
埜濤翻起視三農萬寶之區一鷗鷺涸魚蝦窟亦將澤國
焉耳矣邑屢大有年俗競奢不諳積貯兼以錢法益濫物
價騰涌釜甑家相吊而人人庚癸徒呼也啖草子木屑膚

飴雁矢不給也析骨爨骸禦生人於路而食之卽治前公
署乞人穴其中匿穉男女以炊甚而有一室自相鼎鑊慘
不忍言者且也萑苻嘯聚在在蠹起衣朱衣擁黃蓋蛇豕
莫可誰何危哉孤城銅駝奄忽荆棘矣當是時天日無光
山川霾曠且舊令去新令請告代庖者若傳舍委鎮之武
弁如駢拇控訴奚自無淚可揮公惻然因吾當救此一方
入節旄南指直抵魯城發倉賑之親按戶口嘗日昃不遑
食僅以市饘自啗歎曰民枵腹吾下咽乎廣立粥廠勸邑
大姓及素封家輸粟佐之復請于神宗大發帑金二十萬
遣廷尉鍾丞大賚焉全活以千億計然綠林尙繁有徒也
公檄汝州衛精悍卒千餘嵩邑健兒千少林寺僧兵五百

又募土著之兵壯若干勅指揮萬錢劉三人各帥之隣邑
武雋悉物色入幕軍聲大振屹然一帶長城賊鋒稍挫又
反間密購渠魁漸就擒而蟻附者駸駸遁去數仞頑堞萬
室性命得以保釐無恙者公之明德遠矣哉公以癸巳歲
陽駐吾邑越明年夏五始班師旋汝土先是內子病且死
公褫衣單騎抵州一訣卽返人莫測注來蹟其國爾忘家
公爾忘私類如此迨公之去也黃童白叟填巷塞衢謳吟
泣歌之聲動天地咸崩角

缺

橋

河南通志

康家渡在魯山縣西二十里沙河之次

三里 在魯山縣三里河上

董家 在魯山縣東南四里

穀轆 俗在魯山縣漢光武爲王莽所迫疾行先過莽至而
橋已沉

徐志

大石橋 城東一里將相河萬歷三十五年創修康熙二十
九年重修六十年貢生王廷麟捐貲一百二十兩重修

小石橋 城東二里

栢水橋 渠家店西

大石橋 石佛寺南

新水橋 漫流集西

九龍橋

馬家橋了北湖上

牛蘭橋卽達老河在小河張家乾隆五年孫玠率衆創修
冷水橋張良店東一里

扁鵲廟橋廟西數步

梁家橋城東四十五里梁家庄西渠水上雍正十三年徐
讓郭士英創修

東楊石橋城東三十五里東楊石庄西渠水上雍正十二
年白生仁捐貲重修

鄧家橋城東三十五里康熙五十三年鄧英鄧颺創修宋
史牛臯戰金人于鄧家橋今失所在

劉家橋城東三十里共三所一在劉家庄南渠水上康熙
六十年劉昌裔劉宏猷創修一在庄東北里許渠水上康
熙五十二年劉昌裔金自成創修一在庄西里許渠水上
崇禎二年王敏孝章學禮創修康熙十五年王來喜康熙
五十一年茹士俊重修

中湯橋城西六十里

孫家橋舊志所載未詳其處

碾子橋城東南五十里

楊家橋城東南五十三里

杜家橋城東南五十里

當陽橋城東南四十二里今廢

雙橋採訪事實城南鄧家寨庄乾隆十八年貢生牛鐸修
石佛寺橋採訪事實城南石佛庄內謝振宗等修

冷水橋採訪事實城東南寶林寺西乾隆二十八年庠生

陳程文重建

寶林橋採訪事實城東南寶林庄西

陽石橋採訪事實城東西陽石庄貢生張三友修

柴家庄橋採訪事實貢生張三友修

盆郊庄橋採訪事實貢生張三友修

段店橋採訪事實城北段店街南頭乾隆五十八年玉英

王文朋督工建修

清水橋採訪事實城東北傅家嶺庄內

坊

科第坊徐志大街二座爲燕御史儒宦立 西門裏二座
爲王副史璽立 後街二座爲賀兵政一孝立 大街一
座爲賀司理承芳立 西關一座爲張指揮茂芳立 城
隍廟前一座爲李司理好問立久廢

孝子坊徐志舊縣治南爲賈士宏立久廢

義士坊徐志十字街東爲蕭九仞立

貞節坊徐志東關爲朱家珍妻子氏立

三節坊徐志在張良店雍正六年爲粟生趙瓊妻王氏增
生趙琮妻李氏監生趙瑄妻程氏立

烈女坊徐志在扁鵲廟爲李玉女年姐立

國朝貞節坊徐志一在陳家窰南街乾隆元年爲監生陳仁妻張氏立 一在陳家窰北街乾隆三年爲生員陳潤妻何氏立 一在城內大街乾隆三年爲廩生郭鄂妻李氏立 一在葉家小營乾隆三年爲生員葉其華妻張氏立 彰善坊徐志建于東門外乾隆五年奉撫部院雅牌照得爲治之道莫先于定民志民志定則知所趨向教化之行莫速于開風氣風氣開則互相觀感其導引鼓舞之權則操自有位之人爲此仰司官吏通飭所屬各于郊外通衢豎立彰善坊一座凡孝悌節義之人俱刊入坊內上書姓名下註事實則芳聲傳之遠近士庶易于奮興將見四方風動蒸蒸向化不但善者益進于善惡者亦耻于爲惡矣

補遺

天寧觀音禪寺見元香山寺碑魯山縣西十里保東婆婆店
有下院天寧觀音禪寺

案碑稱本寺前住持僧松月長老照依紹聖四年公據四
至碑文蓋此寺自宋已爲各刹今舊址久湮舊志皆失載
又今婆婆街在縣西十八里與元碑稱西十里者微異但
旣言東婆婆店則必有西婆婆店或今婆婆街爲西婆婆
店遺跡與

魯山縣知縣董作棟重建城隍廟大門樂樓記聰明正直
而壹謂之神城隍之神與邑治相終始曩潦疾癘於是乎
祭之獄疑不能決情廈不能得於是乎聽之魯陽之民急

利而畏災余承乏宰茲邑嘗遇牘之徵債而亡質者兩造
持不下率而聽于神庸片楮書黑白命訟者手自採取輒
唯唯去夏秋之際暘雨偶讐民皇皇走羣祀宰偕僚屬齋
肅步禱禱輒應故數年來賴以小康廟後故有寢施牀幃
衣被有偷兒盡括以行鬻之不可得之他邑忽向邏者自
言狀蓋逾數月而故物尙完人咸謂非神之靈不至是乾
隆六十年秋因歲之登大姓小家耄穉之沐神休者願釀
貲新樂樓及門請于宰擇明練士董之計費千餘緡越朞
而竣廟用不煥宰諭于衆曰若知幽明相與之故乎神之
依于民民之庇于神未可以私干也率人之經神界之祿
悖天之常神奪之魄法所可及宰則受之法所不及神實

鑿之傳曰鬼神非人實親惟德是依宰之職治人以享神者也今之奉神者於神之所依求之其庶矣乎嘉慶紀元十月既望

魯山縣志卷八終